

四庫全書

史部

欽定四庫全書

史記索隱卷十五

唐 司馬貞 撰

荆燕系家第二十一

諸劉不知何屬

按注引漢書云賈高祖從父兄則班固或別有所見也

定塞地

賈將

兵定塞地塞即桃林之塞

共尉

共教之子

立劉賈為荆王王淮東

按表云劉賈都

吳又漢書以東陽郡封賈東陽即臨淮故云淮東也

富陵

地理志縣名屬臨淮

劉澤諸劉遠

屬也

按注引漢書云高祖從祖昆弟又楚漢春秋田子春說張卿云劉澤宗家也按言宗家似疎遠矣然

則班固言從祖昆弟當別有所見矣

為營陵侯

地理志縣名在北海

以畫于營陵侯

畫一音計畫之畫又音圖

一切功臣

按此一切猶一則同時也非如他一

切訓權

雅故本推轂

按雅訓素也謂呂氏素心奉推高祖取天下若人推之推音昌誰反

猶推轂欲前進塗然也

尚歛望

歛音決又音企

與齊王合謀西

按漢書齊王傳云使祝午結琅琊王至齊因留琅琊王不得反國澤乃說求入關齊乃送之與此文不同者劉

氏以為燕齊兩史各言其主立功之迹太史公開疑傳疑遂各記之則所謂實錄

跳駟

他彫反脫獨去

也又音條謂疾去也

肥如令郢人

按如淳意以肥如亦臣名令郢人以告定國也小顏以為定國

欲有所誅然餘臣而肥如知令郢人乃告定國也然按地理志肥如在遼西也

權激呂氏

按謂田子

春欲王劉澤先使張卿說封呂產乃恐以
大臣歆望澤卒得王故為權激諸呂也
事發相重按謂

先發呂氏令重我亦得
其功是事發相重也
偉哉偉者盛也蓋盛其能激發也

齊悼惠王系家第二十二

能齊言者謂其語音及名物異於楚魏一云此亢禮如

家人謂齊王是兄不為君臣禮而乃亢酈侯注作酈

二字並音孚酈縣名在左馮翊酈縣南陽呂台音胎呂后章封朱虛侯地理志縣

名屬琅琊興居東牟侯顧而父知田耳若生顧猶念也

而及若皆訓女舅父駟鈞按舅謂舅父猶姨稱姨母相召平按廣陵人召平與東陵侯召平

及此召平皆似別人也功臣
表平子奴以父功封黎侯也
齊王不敢離兵按服虔云不敢離其

兵而到分齊為四謂濟南琅琊城
琅瑯也陽井齊為四也
春秋富按小顏云言年幼也此之

於財方未匱竭
故謂之富也
宣暇先言大人此蓋舊俗之言謂救火之急不暇先啟家長也

亦猶國家有難
不服待詔命也
妄庸人耳按妄庸謂凡妄庸劣之人也
乃罷魏勃謂罷

不罪而以為物姚氏云怪物
放遣之
凡為七王將閭為齊王志為濟北王賢菑川王章城

陽王邛膠西王辟光濟南
王雄渠膠東王邛五剛反
使路中大夫按路姓為中大夫官史失其名

故言姓及官顧氏按路
氏譜中大夫名邛也
平陽侯按表是簡侯曹奇也
欲重寵直謂

於世寵貴紀翁主按如淳云諸王女云翁主
稱其母姓故謂之紀翁主
事漢太后

謂王太后
武帝母也
市租千金
市租謂所賣之物出稅日得千金言齊人衆而且富也
乃為

輕重之短

謂偃挾齊不娶女之恨因言齊之短為輕重之辭謂言臨菑富及吳楚孝王時事是共

王八年徙王淮南

按當孝文帝之十二年也

濟北王志以安都侯

地理

志安都關

濟南王辟光以勒侯封

勒漢書作劫並音力地理志縣名屬平原也

菑

川王賢以武城侯

地理志縣名屬平原

膠東王雄渠以白石侯封

地理志縣名屬金城

蕭相國系家第二十三

蕭相國何

按春秋緯蕭何感昂精而生典獄制律

以文無害

按裴注已列數家今更引

二說應劭云雖為文吏而不刻
害也韋昭云雖有文理不傷害
為沛主吏掾漢書云為主吏吏功

曹也又云何為沛掾
是何為功曹掾也
護高祖說文云護救視也
奉錢三何獨以

五奉音扶用反謂資俸之如字讀謂奉送之也錢三百謂他人三百何獨五百也劉氏云時錢有重者一當

百有送
錢三者
與從事常辯之按何與御史從事常辯明言稱職也故張晏曰何與共事修辯

明何素有
方略是也
何乃給泗水卒租忽吏按何為泗水郡卒吏書

佐各
十人
事第一按謂課最居第一也
何嘗為丞督事謂高祖為沛令何為丞常監督

庶事
也
爭走音奏奏者趨向之
轉漕上轉字劉氏音張戀反漕水運也
封為鄼侯

顧氏云南鄉郡名也太康地理志云魏武帝建安中分南陽立南鄉鄼晉武帝又曰順陽郡也
已撓女教

反 鄂君

按功臣表鄂君即鄂千秋封安平侯

贏奉錢二

謂人皆三何獨五所以為贏二也音

盈 夫相國乃利民

謂相國取人田宅以為利故云乃利人也所以令相國自謝之

亡收

橐

苗子還種田人留橐入官

李斯之分過

按上文李斯歸惡自子是分過

曹相國系家第二十四

平陽侯曹參

地理志平陽縣屬河東又按春秋緯及博物志並云參字敬伯

中涓

古玄反

將擊胡陵方與

地理志二縣皆屬山陽郡

攻秦監公軍

按注公者監之名然本紀

泗川監名平則平是名公為相尊之稱也

豐反為魏

時雍菑守豐為魏反沛公

取碭狐父

地理志碭屬梁國狐父地名在梁碭之間徐氏引伍被云吳漢敗於狐父是吳與梁相拒而敗處

祁善

置

按司馬彪郡國志穀熟有祁亭劉氏音邊又如字善置置名漢謂驛為置

攻下邑西至虞

地理志下邑

攻爰戚

蘇林云縣名屬山陽

注宣帝時有爰戚侯

按功

臣表爰戚

及亢父

地理志縣名屬東平

北救阿

按阿即東阿也時章邯圍田榮於東

侯趙成

阿遷為戚公

謂遷參為戚令

號曰建成君

地理志建縣屬沛郡

於成武

南

地理志成武縣屬山陽

趙賁

音奔成陽南

地理志縣名在濟陰成地名周武王封弟季載

於成其後邑遷於

曲遇

丘禹反牛凶反

從攻陽武下轅轅維氏

地理志陽武維氏二縣屬

河南轅轅道名在維氏南戰陽城郭東

徐廣云陽城在河南陽應劭云山

陽今穎陽穎陽是南陽之縣

初攻下辯故道

地理志二縣名皆屬武都辯音皮莧反

雍

釐

地理志二縣名屬右扶風釐音胎

攘鄉高櫟

櫟音厯按文穎云皆地名也然盡在右扶風今

其地闕也

取咸陽更名曰新城

按漢書高帝元年咸陽名新城武帝改曰渭城

注東

郡白馬有圍津

顧氏按水經注曰馬津有韋鄉韋津韋城亦稱圍古今字變

尉從

才用

反

天柱侯反於衍氏

天柱侯不知其誰封衍氏魏邑按在廬江潛縣

鄔孫邀

音速

鄔東

地理志鄔太原縣名音烏古反

攻著潔

吐答反

陰平原高廬

地理志著縣屬

濟南廬縣屬泰山潔陰平原高三縣屬平原

上假密

漢書亦作假密按下定齊七十縣則上假密非

高密亦是齊地今闕

蘄竹邑相蕭留

地理志蘄竹邑相蕭四縣屬沛韋昭云留今屬彭城則漢

初亦屬沛也

參子窰

音張律反

豈少朕與

按少者不足之詞故胡亥亦云丞相豈少我哉

蓋帝以丞相豈不是嫌少於我哉小顏以為我年少非也然無言我告若也謂惠帝語

得言我告汝令諫汝父當自云是已意也與與蜜胡治乎按胡何也言語參何為治蜜也觀若

畫一漢書作講故文類云講一作較按訓直又訓明言法明直若畫一也觀音講亦作觀小顏云講和也

畫一言其法整齊也蜜蜜諡靜子奇代侯簡子時代侯尚平陽公主諡夷子

襄代侯尚衛長公主子宗代侯諡恭

留侯系家第二十五

留侯韋昭云留今屬彭城按良求封留以始見高祖於留故也張良者漢書云字子房按王符皇

甫謚此以良為韓之公族姬姓也秦索賊急乃改姓名而韓先有張去疾及張譚恐非良之先代其先

韓人良既歷代相韓故知其先韓人顧氏按後漢書云張良出於城父城父縣屬潁川也悼惠王

韓系家及系本五世相韓謂大父及父相韓東見倉海

君姚察以武帝時東夷穢君降為與客狙按應劭云狙

伏伺也音七豫反謂狙之伺物博浪沙中服虔云地在

必伏而候之故今云狙候是也

後里有博浪城中副車按漢官儀天子屬車三十六乘屬車即副車而奉車郎御而從

嘗問從容嘗訓經也間閒字也從容閒暇也下邳邳

眉反地理志下邳縣屬東海又云邳邳下邳李奇云下邳

在薛後徙此有上邳故此曰下邳邳圯上人謂橋為圯

音怡文頴曰沂水上橋也應劭云沂水之上也姚察見史記本有土旁作者乃引今會稽東湖大橋名為靈圯

地亦音夾
理或然也

直墮其履

直浩云直猶故也亦恐不然
直言正也謂至良所正墮履

欲歐

烏后反

良業為取

業猶本先也謂良心先
已為取故遂跪而履之

殆天授

殆訓近也

旗

懺

音其試
二音

因其解

謂卒將離
心而懈怠

毒藥苦於口利於病

按此語見

孔子
家語 鮪生

呂靜云鮪魚也謂小魚也音比垢
反臣瓚按楚漢春秋鮪生姓解

表商容閭

按崔浩云表者標榜其里門也商容紂時賢人也韓詩
外傳曰商容執羽籥馮於馬徒欲以化紂而不能遂去
伏於大行山武王欲
以為三公固辭不受 偃革為軒
蘇林云革者兵車也軒
者朱軒皮軒也謂廢兵
車而用乘車也說
文云軒曲周屏車
古桃林也山海經云夸父之
山北有桃林廣三百里也

楚唯毋強六國立者復撓

而從之

按荀悅漢紀說此事云獨可使楚無強若強則六國屈撓而從之又韋昭云今無強楚者言六

國立必復屈撓從之是二說意同也

豎儒幾敗而公事

高祖罵酈生為豎儒謂此儒生豎子

耳幾音祈幾者殆近也而公高祖自謂也漢書作乃公乃亦汝也

什方侯

地理志縣名屬廣漢什音

十日即日駕西都關中

按周禮三曰詢國遷乃為大事高祖即日西遷者蓋謂其日即定計

耳非即日乃行

胡苑

崔浩云苑馬牧外接胡地馬生於胡故云苑之利

所謂金城千里

天府之國

按此言謂者皆是依憑古語言秦有四塞之國如金城也故淮南子云雖有金城非粟不

守蘇秦說惠王云秦地勢形便所謂天府是所憑也

有四人

四人四皓也謂東園公綺里季夏黃公用

里先生按陳留志云園公姓庾字宣明居園中因以為號夏黃公姓崔名廣字少通齊人隱居夏里修道故號

曰夏黃公用里先生河內軼人太伯之後姓周名術字元道京師號曰霸上先生一曰用里先生又孔安國祕

記作祿里此皆王劭據崔氏周氏世譜及陶元亮四人目而為此說
母愛子抱此語出韓子**故**

等夷如淳云等夷言等輩**曲郵**音尤按司馬彪漢書郡國志長安有曲郵聚今在新豐西俗謂之郵

頭漢書舊儀云五里一郵郵人居**注其矢曰矰**馬融注周禮云

矰者繳繫短矢謂之矰伊**數闕**音曲穴反謂曲終也說文曰闕事也**三寸**

舌春秋緯云舌在口**赤松子**列仙傳神農時雨師也能入火自燒崑崙山上隨風

雨上**辟穀**賓亦反**然言有物**按物謂精怪及藥物也**所見父老與書**

按樂緯云風后黃帝師又化**魁梧**蘇林云梧音忤蕭該為老子以書授張良亦異說云今讀為吾非也小

顏云言其

可驚悟
失之子羽

子羽澹臺滅明字也仲尼弟子傅云狀貌甚惡又韓子云子羽有君

子之容而行不稱其貌與史記文相反

史記索隱卷十五

欽定四庫全書

史記索隱卷十六

唐司馬貞撰

陳丞相系家第二十六

陽武戶牖鄉人

徐廣云陽武屬魏而地理志屬河南郡蓋後陽武分屬梁國耳徐又云戶牖今為東

昏縣屬陳留與漢書地理志同按是秦時戶牖鄉屬陽武至漢以戶牖為東昏縣陳留郡也張負按

是婦人老宿之稱猶武負類也然負郭高誘注戰國策云負背郭居也

長者車轍

一作軌按言長者所乘安車與載運之車軌轍或別

里中社平為宰其

名庫上里知者據蔡邕陳留東昏庫上里社碑云惟魏斯庫里古陽武之滎鄉陳平由此社寧遂相高祖也魏

無矢漢書張敞與朱邑書云陳平須魏倩而後進孟康云即無知也諸將盡謹謹謹也音懼又

音喧漢書更以惡草具戰國策云食馮煖以草具如淳云藜草倉惡之具也陛下

弟出偽游雲夢蘇林云弟且也小顏云但也南過曲逆章帝醜其名改云蒲陰也

主臣蘇林與孟康同既古人所未了故竝存兩解

絳侯周勃系家第二十七

其先卷人韋昭云屬河南地理志亦然然則後置榮陽郡而卷隸焉音丘亥反字林音丘權反勃

以織薄曲為生謂勃本以織薄為生業也韋昭云北方謂薄為曲許慎注淮南云曲葦薄也

郭璞注方言云植懸曲柱也音直吏反
常為人吹簫給喪事左傳歌虞殯猶今挽歌類

也歌者或有簫管
材官引強晉灼云中屠嘉為材官蹶張
攻蒙虞二縣名地理志屬梁

國擊章邯車騎殿孫檢說是
東緡小顏音昏非也地理志山陽有東緡縣音曼然則戶

肅之為東緡音昏是屬陳留
攻齧桑徐氏云在梁彭城間
阿下

阿之地理志都關地理志縣屬山陽
張地理志東郡壽張
至碭一歲二

月謂初起沛及還至碭
虎賁令漢書云襄賁令賁音肥縣名屬東海徐廣又云

向盾令所見擊趙賁軍尸北賁音肥人姓名也尸即尸鄉今偃師也謂尸縣之北

威武或封號未必縣名也
攻槐里好時最地理志二縣屬右扶風
漆地理志漆

縣在右 **擊章平姚印軍** 印音五郎 **還下郿潁陽** 地理志郿屬右

扶風潁陽屬 **廢丘** 地理志槐里周曰犬丘懿王都之秦

左馮翊也 更名廢丘高祖三年更名槐里而此

云槐里者槐里據後而書之又云廢丘 **鍾離** 地理志縣

者以章邯本都廢丘而亡亦據舊書之 **鍾離** 名屬九江

古鍾離 **燕王臧荼破之易下** 茶如字讀易水名因以為

子國 縣在涿郡謂破茶軍於易

水之下言 **馳道** 小顏以當高祖所行之道或以馳道為

近水也 秦之馳道故賈山傳云秦為馳道東窮

也 **降下霍人** 蕭該云左傳以偃陽子歸納諸

音赤 **乘馬締** 締名也乘 **雁門守國** 國守之名 **守遼** 音 **箕**

座反 **肆將勳** 劉氏肆音如字包愷音以 **靈丘** 地理志縣 **御**

反漢書勳亦作博字竝誤 耳

史大夫施屠渾都

施名也屠滅之也地理志渾都縣屬上谷一云御史大夫姓屠名渾都

沮陽

按地理志沮陽縣屬上谷

最從高帝

最都凡也謂總舉其從高祖攻戰克獲之數也

推少文

大顏云俗謂愚為鈍推直追反今按推如字讀之謂勃台說士東向而坐責之云趣為我語其

質樸之性以斯推之其少文皆如此

獄吏乃書牘背示之

簿即牘也故魏志秦忘以簿擊

頗則亦簡牘之類是也

太后以冒絮提文帝

服虔云綸絮也提音弟又音啼非也蕭該

音底提者擲也蕭音為得恚者嗔也遺者逢也謂太后嗔乃逢冒絮因以提帝陌音蠻猶之猶方言云幪巾南

楚之間云陌額也

條侯

地理志條縣屬渤海郡

許負相之

應劭云負河內温人老嫗也姚

氏按楚漢春秋高祖封為鳴雌亭侯是知婦人亦有封邑

有從理入口

從理橫理 穀弓弩

殺者張也軍中聞將軍令不聞天子之詔六韜云軍中之事不聞君命介

曹之士不拜

應劭云左傳晉郤克三肅使者而退杜預注肅若今擡鄭衆注周禮肅拜云但俯下

手今時

改容式車

軾者車前橫木若上

因自請上

漢書亞夫

至淮陽問鄧都尉為畫此計亞夫從之今此云願以梁自請者蓋此亦開疑而傳疑漢史得其實是也

委之

謂以梁委之於吳使吳兵不得過也亦有作餒音亦通

而使輕騎兵弓高侯

等

韓頴當也

馭

音子侯反

丹徒

地理志縣屬會稽

人主各以時行耳

謂人主各

當其時而行事不一相法也

顧得侯

許慎注淮南子云顧反也

封徐盧

功臣表唯徐盧

封容城侯

注大纓

纓音李轉反謂內纓也

尚席取櫓

顧氏按與服雜事云六尚尚席掌武

帳帷慢也。櫛音筋。漢書作箸箸者食所用也。留侯云借前筋以籌之。禮曰羹之有菜者用挾挾亦箸之類。故鄭

玄云今人謂此不足君所乎。言不設箸者此蓋非我意箸為挾是也。於君有不足乎故如淳云

非故不足君之食具偶失之耳。蓋當然也。所以帝視而笑也。若本不為足當別有辭未必為之笑也。孟康晉灼

雖採古人之情亦未必能得其實。顧氏亦同。孟氏之說又引魏武賜荀或虛器各記異說也。工官尚

方。工官即尚方之工所作物。縣官。縣官謂天子也。所以屬尚方故云。工官尚方。謂國家為縣官者夏

家王畿內縣即國都也。汙。汙音烏。吾不用也。孟康如淳王者官天下故曰官也。故反。已備兩解。

大顏以孟說為得而姚察又別一解云帝責此吏不得亞夫直辭以為不足任用故台亞夫別詣廷尉使責問

坐酎金不善元鼎五年有罪國除。徐廣曰諸列侯坐酎金失侯者皆在元鼎

五年但此辭句如有顛倒紀云坐耐金不善復云元

鼎五年有罪國除似重有罪故云顛倒而漢書云為太

子太傅坐耐金免官後有罪國除其文又錯也按表坐
免官至元鼎五年坐耐金又失俠所以二史記之各有
不同

也 足已而不學亞夫自以己之智謀足而虛已不學
守節不遜守節謂爭粟太子不封王信徐盧等
不遜謂顧尚席取箸不對制獄是也

梁孝王系家第二十八

以勝為梁王漢書梁王名揖蓋是矣按景帝梁王自初

王通歷已十一年矣謂自文帝二年初封代後徙淮陽

徙梁為十棘壁按左傳宣公二年宋華元戰于大棘築

一年也杜預云在襄邑東南蓋即棘壁是也

東苑

築謂建也白虎通云苑所以東者何蓋以東方生物故也

三百餘里

蓋言其奢非實辭或

者梁國封

廣睢陽城七十里

蘇林云廣其徑也太康地理記云城方十三里梁孝

王築之鼓倡節杵而後下和之者稱睢陽曲今踵以為故所以樂家有睢陽曲蓋採其遺音也平臺

如淳

云在梁東北離宮所在者按今城東二十里臨新河有故臺地不甚高俗云平臺又一名修竹苑西京雜記云

有落猿巖鳧洲雁渚連亘七十餘里是也千乘萬騎

漢官儀曰天子法駕三十六乘大駕八十一乘

皆備千乘萬騎而出也

出言趨入言警

漢舊儀云皇帝輦動稱警出殿則傳蹕止人清道言

出入者互文奇邪計

周禮有奇衰之人鄭玄云奇衰譎耳出亦有蹕怪非常也奇音紀宜反邪音斜也

且百巨萬

如淳云巨亦大與大百萬同也韋昭云大百萬今萬萬

關說

袁盎云漢家法周道

立子是有所關涉之說於帝也一云關者隔也引事而關隔其說不得行也

義格

張晏云格止也服虔

云格謂格鬪不行蘇林音閭周成雜字歧閣也通俗又云高置立歧棚云歧閣字林音紀又音詭也

意梁

王 謂意疑 梁刺之 **良山** 漢書作梁山述征記云良山際清水今壽張縣南有良山服虔云是此山也

有獻牛足出背上

張晏云足當處下所以輔身也今出背上象孝王背朝以干上也背者陰

也又在梁山明為梁也牛者田之畜衝在六月北方數六故六月六日薨也 **諡曰孝王** 述征記

有梁孝王之**家分梁為五國** 長子買梁共王子明濟川王子彭離濟東王子定山陽王子不識濟

陰五**平山襄** 漢書作讓 **壘樽** 應劭云詩云酌彼金壘壘者畫雲雷之象以金飾之 **爭門**

措指 措音迫側格反漢書王陵傳迫迫前隊皆作此字說文云迫箠也謂為門扇所箠 **犴反** 韋昭

云犴音岸按類犴反人姓名也反字或作友

桓邑侯

地理志桓邑闕

寶嬰之正言也

寶嬰袁盜皆言如周家立子不合立弟

封小弟以應縣

此說與晉世家不同事與封叔虞同

被云封唐此云封應應亦成王之弟或别有所見故不同

殷道親親周道尊尊

殷人尚質

親親謂親其弟而授之周人尚文尊尊謂尊祖之正體故立其子尊其祖也

梁郎某子

謂梁國之

郎是孝王官屬某子史失其姓名也

五宗世家第二十九

景帝子十四人一武帝餘十三人為王漢書謂之景十三王此名五

宗者十三人為王其母五人同母者為宗也

闕于

上音遏漢書無于字

兒姁

沉羽反兒姁夫人名也王皇后之妹也

注問以五策

按漢書詔策問三十餘事 **被服造次** 小顏云被服言常居處其中也造次謂所向所行皆法於儒者

獻王 漢書云大行今奏諡法曰聰明睿智曰獻 **頃王授代立** 漢書云授諡頃音傾也 **孺**

垣 服皮云宮外之餘地顧野王云牆外之行馬內田音人椽反又音軟又音奴亂反孺牆外之短垣也 **行**

祖 按祖者行神行而祭之故曰祖也風俗通云共工氏之子曰修好遠遊故祀為祖神又崔浩云黃帝之子

累祖好遠遊而死於道因為行神也又聘禮云出祖釋軼祭脯酒而已按今祭禮以較壤土為壇於道則用

黃鞅或用狗以其血釁左輪也 **江都易王非** 按諡法好更故舊曰易也 **美人淖姬** 鄭氏

音淖蘇林音泥淖之淖女教反淖姓也齊有淖齒是又漢書云建占易王所愛淖姬等十人與奸服舍中 **膠**

西于王端 按廣周書諡法云能優其德曰于 **皆去衛** 謂不置宿衛人 **究變** 究者窮也

故郭璞云究刻深謂刻割深持詭辯以中人謂詭証之

於除二千石舍謂彭祖自為二千石為賈人權會權音

言權酤謂獨酤也會音僧古外反謂為賈人專權賣買

之價僧以取利若今之知市矣韋昭則訓權為平其注

解為國經租稅經者常也謂王家入多襪祥按埤倉云

列子云荆人鬼越人襪謂行傲上下孟反下工弔反傲

楚信鬼神而越信襪祥也是郊外之路謂巡傲而

伺察中山靖王勝按漢書建元三年濟川中山王等來

臣內讒肺腑日疎其言甚雄壯詞切而理子昆侈嗣漢

文天子加親親之好可謂漢之英藩矣

昆侈諡康王子頃王程姬有所辟姚氏按釋名云天子

朝嗣至孫國除也

諸侯羣妾以次進師

有月事者止不御更不口說故以丹注面目的的為識

結羽釵的即釋文所云也說文云婢女廣川惠王子齊

汙也漢律云見婢變不得侍祠婢音半彭祖子去嗣坐暴

立漢書齊謚繆王繆及幸臣所忠等按漢書言中尉奏

虐勃亂國除也作樓車鏃矢應劭曰左傳云登樓車以窺宋人

爾雅金鏃以金為箭長男稅鄒氏一音之悅反蘇林音

鏃字林音子木反倉云媚丈夫妬也又云妬女為媚三

三王系家第三十

騫按謂是張騫

反字從木也妬媚下音亡報反鄒氏本作媚郭璞注三

大行

臣去病

霍去病也

盛夏吉時

按明堂月令云季夏月可

守尚

書令丞非

按奏狀有尚書令官位而史先闕其名耳丞非者尚書左右丞非其名也

臣青翟

莊青翟也

臣湯

張湯

太常臣充

蓋趙充也

大行令臣息

李息

太子少傅

臣安

任安也

天非為君生人

左傳曰天生烝民立君以司牧之是言生人為立君長司

牧耳非天為君而生人也

未教者

謂皇子等竝未習教義

強君連城

皇子未習教義而強

使為諸侯王以君連城之人

蕭文終

蕭何謚文終也

于鄴

按蕭何初封沛之鄴音贊後其子續

封南陽之鄴音嗟

平津

公孫弘封平津侯平津高城之鄉名

尊建百有餘國

謂武帝

推恩之詔分王諸侯王子弟故有百餘國

尊卑相踰

謂諸侯王子已為列侯而今又家皇子為列侯

次定曰車

臣

史記索隱

八

是尊卑相
踰越矣
臣閔
齊王也
王
臣旦
燕王也
漢書
臣胥
廣陵王也

撥亂世反諸正
春秋公羊傳文
爵位二等
謂王與
支子封至諸

侯王
謂立膠東王子慶為六安王常山王
子平為真定王子商為泗水王是也
家皇子為列

侯
按時諸王稱國列侯稱家故
云家皇子故為尊卑失序
輿地圖
謂地為輿者天
地有覆載之德

故謂天為蓋謂地為輿故地圖稱
輿地圖疑自古有此名非始漢
曰於戲小子閔
北封齊王

策文也又按武帝集此三王策皆
武帝手製於戲音嗚呼戲或音義
青社
蔡邕獨斷云皇
子封為王受天

子大社之土若封東方諸侯則割青土籍以白
茅授之以立社謂之茅土齊在東方故云青社
俾君子

怠
謂若不圖於義則君
子怠懈無歸附心
虐老獸心
按匈奴傳曰國貴壯
賤老壯者食肥美老

食其餘是邊韋昭云民也三三十有二君皆來降

期奔師

按漢書作三十二師降期作降旗而服虔云以

王偃旗鼓降時也若如此意則三十二君非無菲德蘇林

軍將蓋我狄酋帥時有三十二君來降也

云菲廢也本亦作侏侏敗也匪教士不得從徵韋昭云

孔文祥云菲薄也漢書作渠五湖之間按五湖者具區

教習不得從軍徵發故孔子五湖之間洮瀉彭蠡青草

洞庭是也或曰太湖無侗好軼侗音同褚先生解云

五百里故曰五湖也無侗好軼樂馳騁弋獵

通宵人音通近也宵人小人也鄒氏宵維稽古褚先生解

也稽者當也言當順古道也魏高貴曰蓬生麻中已下

鄉公云稽同也古天也謂堯能動天

史記索隱

荀卿言無乏武備無廢備常備匈奴也非教士不得從徵諸先生非習禮義不

得在其側也 宗正與太中大夫公戶滿意宗正官名必以宗室有德者為之不

知時何人公戶姓滿意名為太中大夫是使 曰我安得二人又有侍御史二人皆往使治廣陵也

弟在者按昭帝鈞弋夫人所生武帝崩時纔年十七八歲耳胥旦早封在外實合有疑然武帝春秋高

感於內寵誅太子而立童孺能不使胥旦疑怨亦由權臣輔政貪立幼主之利遂得鈞弋子當陽斯實父德不

宏遂令子道不順然犬各吠非主 爾雅爾近也雅正也其書於正字義

訓為近故云爾雅相承云周公作以 內有異姓大夫按

教成王又云子夏作之以解詩書也 內有異姓大夫按云有異姓大夫以正骨肉蓋錯也內合言同 姓宗正是也外合言異姓太中大夫是也 白芷漸之

滄中

白芷香草也音止又音昌改反漸漬也滄讀如禮滄漉之滄音思酒反

史記索隱卷十六

欽定四庫全書

史記索隱卷十七

唐 司馬貞 撰

伯夷列傳第一

列傳者謂叙列人臣事跡
今可傳於後世故曰列傳

詩書雖缺

按孔子系家稱古詩三千餘篇孔子刪三百
五篇為詩今亡五篇又書緯稱孔子求得黃

帝玄孫帝魁之書迄秦穆公凡三千三百三十篇乃刪
以一百篇為尚書十八篇為中候今百篇之內見亡四
十二篇是詩書
又有缺亡也 然虞夏之文可知也 按尚書有堯典舜
典大禹謨備言虞

夏禪讓之事故云
虞夏之文可知也

天下重器

言天位者是王者之重器
故莊子云天下大器是也

則大器亦重器也 說曰堯讓天下 按說者謂諸子雜記也然堯讓於許由及夏時卞隨務光

等殷湯讓之天下竝不受 太史公曰余登箕山 蓋楊惲而逃事具莊周讓王篇 東方朔

見其文稱余而加太史公曰也 余以所聞由務光 謂太史公所聞莊周所說許由務光等

義至高 謂堯讓天下於許由遂逃箕山洗耳於潁水卞隨自投於桐水務光負石自沉於廬水是義

至高 文辭不少概見何哉 按概是梗概謂略也蓋以見由光義至高而詩書之文

解遂不少梗概載見何以如此哉 余悲伯夷之意 謂悲其兄

弟相讓又義不 睹軼詩可異焉 上睹音翹軼音逸謂見食周粟而餓死 逸詩之文即下采薇之

詩是也不編入三百篇故云逸詩也可異焉者按論語云求仁得仁又何怨乎今其詩云我安適歸矣于嗟徂

兮命之衰矣是怨
詞故云可異焉

其傳曰伯夷叔齊孤竹君之二子

其按

傳蓋韓詩外傳及呂氏春秋也其傳云孤竹君是殷湯

三月丙寅日所封相傳至夷齊之父名初字子朝伯夷

名允字公信叔齊名致字公達解者云夷齊謚也伯仲

又其少長之字按地理志孤竹城在遼西令支縣應劭

云伯夷之國也其蓋往歸焉劉氏云蓋者疑辭蓋

君姓墨胎氏者也謂其年老歸就西伯采薇

薇蕨也爾雅登彼西山按西山即首陽山也以暴易暴兮謂以武

云蕨繁也臣易殷紂之暴主神農虞夏忽焉沒兮言義農虞夏敦

而不自知其非矣樸禪讓之道起

忽久矣終沒矣今逢此君于嗟徂兮命之衰矣于嗟

臣爭奪故我安適歸矣于嗟

也徂者往也死也言今餓死亦是運命嘆之辭

衰薄不遇大道之時至幽憂而餓死由此觀之怨耶

非耶

太史公言已觀此詩之情夷齊之行似是有所怨耶又疑其云非是怨耶

可謂善人者

耶抑非也

又叙論云若夷齊之行如此可謂善人者耶又非善人者耶亦疑也

糟糠不厭

厭者飫也謂不厭不飽也糟糠貧者之所食也故曰糟糠之妻是也然顏子簞食瓢飲亦未見糟糠之文也

盜蹠日殺不辜

蹠及注作跖竝音之石反按盜蹠柳下惠之弟亦見莊子為篇名

肝人

之肉

劉氏云謂取人肉為生肝非也按莊子云跖方休卒太山之陽膾人肝而舖之

暴戾恣睢

暴戾謂兇暴而惡戾也鄒誕恣音資睢音干餘反劉氏恣音如字睢音休季反恣睢謂恣行為睢盱惡也注

直弘農

直音如字直者當也亦音值者非也

潼鄉

潼音同按潼水名因為鄉今之潼津關是亦為

是遵何德哉

言盜蹠無道橫行天下竟以毒終是其人又遵行何德而致此哉

尤大

彰較者也

按較明也言伯夷有德而餓死盜跖暴戾而毒終是賢不遇而惡道長尤大著明之證也

犯忌諱而身逸樂

謂若魯桓楚靈晉獻齊襄之比皆是或擇地而蹈之

不謂

仕暗君不飲盜泉裹足高山之頂竄跡滄海之濱是也

時然後言

按論語夫子時然後言

行

不由徑

按論語澹臺滅明之行也

非公正不發憤而遇災禍者

謂人之

節非公正之事不感激發憤或出忠言或致身命而卒遇禍災者不可勝數謂龍逢比干屈平伍胥之屬是也

余甚感焉豈所謂天道非耶是耶

太史公感於不軌逸樂公正而遇災害為

天道之非而又足耶深感之也蓋天道玄遠聰聽暫遺或窮通數會不由行事所以行善未必福行惡未必禍

故先達皆猶昧之也舉世混濁清士乃見

老子曰國家昏亂始有忠臣是舉代混濁則士

之清潔者乃彰見故上文歲寒然後
知松柏之後彫先為此言張本也

豈以其重若彼其

輕若此哉

按謂伯夷讓德之重若彼而采薇餓死之輕
若此故又一解云操行不軌富厚累代是見

重若彼公正發憤而遇
禍災是其輕若此也

君子疾沒世而名不稱焉

自下

雖論伯夷得夫子而名彰顏回附驥尾而行著蓋亦欲
微見己之著撰不已亦是疾沒世而名不稱焉故引賈

子貪夫徇財烈士徇名是也又引同明相照同類相求
雲從龍風從虎者言總各以類相求故太史公言亦是

操行廉直而不用於代卒陷非罪
與伯夷相類故寄此而發論也

賈子曰

誼作鵬鳥賦也

云然故太史公引
之而稱賈子也

夸者死權

言貪權勢以矜夸者至
死不休故云死權也

衆

庶馮生

馮者恃也音凭言衆庶之情蓋恃矜其生
也鄙誕本作每生每者冒也即冒貪之義

同明

相照

已下竝易繫辭文也

聖人作而萬物覩

按文引此句者謂聖人起而居位則萬物

之情皆得覩見故以今日又得著書言世情之輕重也

附驥之尾

按蒼蠅附驥尾而致千里以譬

顏回因孔子而名彰也

管晏列傳第二

潁上人

按潁水名按地理志潁水出陽城潁陽臨潁縣今亦有潁上縣嘗欺鮑叔

氏春秋管仲與鮑叔同賈南陽及分財而管仲嘗欺鮑叔多自取鮑叔知其有母而貧不以為貪也子孫

世祿於齊十餘世

按世本云莊仲產敬仲夷吾夷吾產武子鳴鳴產桓子啓方啓方產成子

豫豫產莊子虛虛產悼子其夷夷產襄子武武產景子能涉涉產帶凡九代也故其稱曰吾夷

書所稱管子者其書
有此言故畧舉其要
貴輕重
輕重謂錢也今管子有輕重篇桓實怒少

姬
按謂怒蕩舟之姬而
未絕蔡人嫁之是也
曹沫
音昧亦音末左傳作曹劄故曰知與之

為取
老子曰將欲取之必固與之是知此為政之所寶也
晏平仲
名嬰平諡仲字父桓子名弱也

事齊靈公莊公景公
按世家及系本靈公名環莊公名光景公名杵臼也
信於知

己
信讀曰申古周禮皆然也申於知己謂以彼知我而我志獲仲
牧民山高乘馬輕重

九府
皆管氏所著書篇名也按九府蓋錢之府藏其書論鑄錢之輕重故云輕重九府餘如別錄之說也

及晏子春秋
按嬰所著書名晏子春秋今其書有七十篇故下云其書世多有也
伏莊公

尸
按左傳崔杼殺莊公晏嬰入枕莊公股而哭之成禮而出崔杼欲殺之是也
余雖為之執

鞭所忻慕焉

此太史公之所羨慕仰企平仲之行假令晏生在世己難與為之僕隸執鞭亦所忻

慕是其好善之至也賢哉良史可以示人臣之炯戒也

老子韓非列傳第三

二人教迹全乖不宜同傳先賢已有成說今則不可依循宜令老子

尹喜莊周同為傳其韓非可居商君傳末

楚苦縣

按地理志苦縣屬陳國者誤也苦縣本屬陳春秋時楚滅陳而苦又屬楚故云楚苦縣至高帝

十一年立淮陽國陳縣苦縣皆屬焉裴氏所引不明見苦縣在陳縣下因云苦屬陳今檢地理志苦實屬淮陽

郡苦音怙 名耳字聃

按許慎云聃耳曼也故名耳字聃有本字伯陽非正也然老子號伯陽父此傳

不稱也

姓李氏

按葛玄曰李氏女所生因母姓也又云生而指李樹因為姓焉

守藏室史

按藏室史周藏書室之史也又張蒼傳老子為柱下史蓋即藏室之柱下因以為官名 將問禮於

老子

大戴記亦云然

且君子得其人則駕不得其人則蓬累而

行

劉氏云蓬累猶扶持也累音六水反說者云頭戴物兩手扶之而行謂之蓬累也按蓬者蓋也累者隨也

以言若得明君則駕車服冕不遭時則自覆蓋相攜隨而去耳

良賈深藏若虛君子盛

德容貌若愚

良賈謂善貨賣之人賈音古深藏謂隱其寶貨不令人見故云若虛而君子之人身

有盛德其容貌謙退有若愚魯之人然嵇康高士傳亦載此語文則小異云良賈深藏外形若虛君子盛德容貌若不

去至關

李尤函谷關銘云尹喜要老子留作二篇而崔浩以尹喜又為散關令是也

始秦與周合五百歲而離

按周秦二本紀並云始周與秦國合而別別五百歲又合

合七十歲而霸王者出然與此傳離
合反正尋其意義亦竝不相違也

注列仙傳

是劉向所記也

注物色而迹之

按謂視其氣物有異色而尋迹之又按列仙傳老子西遊關令尹喜望其紫氣

浮闕而老子果乘青牛而過

蓋老子百六十有餘歲

此前古好事者據外傳以老子

生年至孔子時故百六十歲或言二百餘歲者即以周太史儵為老子故二百餘歲也

李耳無為

自化清淨自正

此太史公因行事於當篇之末結以此言亦是贊也按老子曰我無為而民自

化我好靜而民自正此是昔人所評老聃之德故太史於此引以記之

宗子注

音鑄 玄孫假

音古 隄儒學

按隄音黠退而後之

莊子者蒙人

地理志蒙縣屬梁國劉向別錄

云宋之蒙人也

大抵率寓言也

大抵猶言大略也其書十餘萬言率皆立主客使之相對語故

欽定四庫全書

史記索隱

六

云偶言又音寓寓寄也故別錄云作人姓名

使相與言是寄辭於其人故莊子有寓言篇

使相與言是寄辭於其人故莊子有寓言篇

亦音去篋去劫反

篋猶言開篋也

反詆訛孔子也

紫謂詆毀孔子也

畏累

虛亢桑子

按莊子畏虛篇名也即老聃弟子畏累邠氏

罪反郭象云今東萊也亢音庚亢桑子王

劬本作庚桑司馬彪云庚桑楚人姓名也

洗洋

音汪羊

音晃養亦有

孤豚

孤者小也特也願

無汗我

汗音烏

本作濬字

瀆音烏讀二音汗瀆

瀆汗之小渠瀆也

老上

上音

祛祛

音

音

音

音

音

音

音

音

音

音

音

音

音

音

音

音

音

音

音

今河南京縣是也

學術

按術即刑名

無侵韓者

王劭按

紀年云

韓昭侯之世兵寇

注中書六篇

按今人間有上下二篇

屢交異乎此言矣

又有中書六篇其篇中

名不害按別錄云

之法律也

猶急也

申不害者京人

子

子

子

子

子

子

子

之言皆含上下二篇是書
已備過於太史公所記
韓非著書三十餘篇
號曰韓子也
其大歸

本於黃老

按劉氏云黃老之法不尚繁華清簡無為君臣自正韓非之論詆駁浮淫法法制無私而名

實相稱故曰歸於黃老斯未為得其本旨今按韓子書有解老喻老二篇是大抵亦崇黃老之學耳數以

書諫韓王

韓王安也

所養非所用

言非疾時君以祿養其臣者乃皆安祿養交之臣非

勇悍忠鯁及折衝禦侮之人也

所用非所養

又言人主今臨事任用竝非常所祿賞之士故難可

盡其死力悲廉直不容於邪枉之臣

又悲茲邪諛之士作孤

憤五蠹內外儲說林說難

此皆所著書篇名也孤憤憤孤直不容於時也五蠹蠹政

之事有五也內外儲按韓子有內儲外儲篇內儲言明君執術以制臣下制之在己故曰內也外儲言明君觀

聽臣下之言行以斷其實賞罰在彼故曰外也儲畜二

事所謂明君也說林說難者廣說諸事其多若林故曰

說林也今韓子有說林上下二篇難者說前人

行事與己不同而詰難之故其書有說難篇

說音稅難音如干反言遊說之道為難故曰說難其書

詞甚高故特載之然此篇亦與韓子微異煩省小大不

同劉伯莊亦中其意粗釋

其微文幽旨有劉說也

又非吾敢橫失能盡之難也

按韓子橫失作橫佚劉氏云吾之所言無橫無

失陳辭發策能盡說情此雖是難尚非難也

說之心可以吾意當之

劉氏云開說之難正在於此也

言以人臣疎末射尊重之意貴賤隔絕旨趣難知自非

高識莫近幾會故曰說之難也乃須審明人主之意必

以我說合其情

故云吾說當也

所說出於為名高者

按謂所說之主中心本出欲立高名

者也故劉氏云稽古而說之以厚利謂人主欲立高名

義黃祖述堯舜是也說臣乃陳厚利是

其見下節也既不會高情所說出於厚利者也亦謂所

故遇卑賤必被遠斥矣說之君

出意本規厚利而說臣乃陳名高之節則是說者無心

遠於我之事情必不見收用也故劉氏云若秦孝公志

干強國而商鞅說以所說實為厚利按韓子實

帝王故怒而不用字作陰而顯為

名高按顯者陽也謂其君實為厚說之以厚利則陰用

其言而顯棄其身謂若下文云鄭武公陰欲伐胡而關

也周澤未渥按謂人臣事上其道未合至周之恩未沾

亦亡亡無也韓子作則見忘然見忘勝於德亡也又若

說不行而有敗則疑如是者身危是恩意未深輒評時

政不為所信更致嫌疑若下文所云鄰乃自以為也謂

父以牆壞有盜却為見疑即其類也人

主明有所出事乃自為功而說強之以其所必不為劉

者與知是則以為間故身危也氏

云若項羽必欲衣錦東歸而說者止之以其所不能已

強述闕中違旨忤情自招誅滅也劉氏云若漢景帝決廢栗太子而周亞夫則以

者身危強欲止之竟不從其言後遂下獄是也

為粥權按韓非子粥權作賣重謂薦細微之人徑省其

辭則不知而屈之按謂人主意在文華而說者但徑捷

辱也省略其辭則以說者為無知而見屈

也君上嫌其多迂誕務於浮辭汎濫博涉文華則

文而無當者也按所謂說者說

知節所說之則敬按所說謂所說之

主也節其敬者說

士當知人主之所敬而滅其醜醜謂人主若有所避諱而醜之避談者當滅其

事端而無以其敵怒之按謂人主自勇其斷說士無已意而攻問之是以卑下之謀自

敵於上以無以其難概之按概猶格也劉氏云秦昭王決欲攻趙白起苦說其難遂

己之心拒格君上按上有與同失者則明飾其無失也按上

人主規事譽人與某人同事同行今說者之詞不得傷於同事同行之人仍可文飾其類也又若人主與同失

者而說者則可以大忠無所拂辭拂音佛言大忠在匡君於善君初不從則

且退止待君之悅而又悟言無所擊排謂大忠說諫之辭本欲歸於安

人興化而無別有所擊射知盡之難也謂人臣盡知事排擯按韓子作擊辱也

徐廣曰知一作得難一作辭
今按韓子作得盡之辭也
得曠日彌久
謂君臣道合曠日已久是

誠著於周澤既渥
謂君之渥澤周浹於臣
則非能仕之

所設
按韓子作非能士之所恥也
則幾矣
按幾庶也謂庶幾於善諫說也
申子卑卑

劉氏云卑卑自勉勵之意也
極慘礪
上七感反下胡萃反按謂用法慘急而鞠礪深刻也

司馬穰苴列傳第四

晉伐阿甄
按阿甄皆齊邑晉太康地記曰阿即東阿也地理志云甄城縣屬齊河也
乃薦田

穰苴
按穰苴名田氏之族為大司馬故曰司馬穰苴
以為將軍
謂命之為將以將軍也將者音

即臣反遂以將軍為官名故吳子曰十萬之師無將軍則亂六國時有其官
旦日日中
按旦日謂

明日日中時期

會於軍門也
立表下漏

按立表謂立木為表以視日景下漏謂下漏水知刻數也

援枹

上音袁
下音孚

仆表決漏

仆音赴按仆者卧其表也決漏謂決去壺中漏水以賈失期過

日中故也

乃斬其僕車之左駙馬之左騾

按謂斬其使者之僕及車之左駙駙

當作駟竝音附謂車循外立木丞重較之材又斬其馬之左騾以御者在左故也

田乞田豹

田乞田豹

田僖子也豹亦僖子之族

常曾孫田和因自立為齊威王

按此文誤也當云田

和自立至其孫因為齊威王故世家云田和自立號太公其孫因齊號為威王

亦少褒矣

按謂司馬

法說行兵揖讓有三代之法而齊區區小國又當戰國之時故云亦少褒矣

孫子吳起列傳第五

次定四車全書

史記索隱

十

隊長

上音徒對反

趣使使

上音促趣謂急也下音色吏反

注越絕

按越絕書

云是子貢所著恐非也其書多記吳越亡後土地多是後人所錄也

孫臏與龐涓

上臏音頻忍反

下龐音皮江反涓古玄反

君弟重射

弟但也重射謂好射也

及臨質

按質猶對也將欲對

射之時也一云質謂棚非也

夫解雜亂紛紜者

按謂事之雜亂紛紜擊拏也

不控

捲

按謂解雜亂紛紜者當善以手解之不可控捲而擊之捲即拳也劉氏云控綜捲縮非也

救鬪者

不搏擻

搏戰二音按謂救鬪者當善擻解之無以手助相搏擻則其怒益熾矣按擻以手戟刺人批

亢擣虛

批音白結反亢苦浪反按批者相排批也音白滅反亢者敵人相拒也擣者擊也銜也虛者空

也按謂前人相亢必須批之彼兵若虛則銜擣之欲令擊梁之虛也此當是古語故孫子以言之也 形格

勢禁

謂若避其相亢擊搆彼虛則是事形相格而勢自禁則彼自為解兵也

是我一舉解

趙之圍

謂齊今引兵據大梁之衝是其方虛之時是一舉釋趙而斃魏

蹶上將

履即音巨月反

劉氏蹶猶斃也

與齊戰於桂陵後十三歲

王劭紀年云梁惠王十七年齊田忌敗梁

於桂陵至二十七年十二月齊田盼敗梁於馬陵計相去無十三歲

遂成豎子之名

豎子謂孫

贖李克曰起貪而好色

按王劭云此李克云吳起貪下文云魏文侯知起廉盡能得士

心又公叔之僕稱起為人節廉豈前貪而後廉何言之相反也今按李克言起貪者起本家累千金破產求仕

非貪也蓋言貪者是貪榮名耳故母死不赴殺妻將魯是也或者起未委質於魏猶有貪迹及其見用則盡廉

能亦何異乎陳平之為人

為吮之

鄭氏音戈軟反又才軟反

左孟門

劉氏按紂都朝歌今

孟山在其西今言左則東邊別有孟門

相田文

按呂氏春秋作商文

公叔為相

韓之公族

并中悼王

楚系家悼王名疑也

太子立

肅王臧也

伍子胥列傳第六

伍舉

按舉直諫見左氏楚世家

太傅費無忌

按左傳作費無極

守城父

本陳邑楚

伐陳而有之地理志潁川有城父縣

奮陽

城父司馬之姓名也

忍詢

鄒氏云一作詒罵也音迺劉氏

音火

伍胥貫弓

劉氏音貫為彎又音古患反貫謂滿張弓

華氏之亂

左氏宋大夫華

登欲殺元公事魯昭公二十一年也

昭關

其關在江西乃吳楚之境也

注張勃曰

按張勃晉

人吳鴻臚嚴之子也作吳錄裴氏注引之是也

注溧陽縣

音粟溧水名也

鍾離居巢

二邑

楚縣也按鍾離縣在六安古鍾離子之國系本謂之終
犂羸姓之國居巢國也策奔南巢其國蓋連尚書序巢

伯來朝蓋因居之
於淮南楚地也
專諸左傳謂之
邾宛伯州犁按州犁

也邾宛州犁子伯軫邾宛
子喜音軫伯氏別姓邾
二公子將兵及蓋餘也取六

與潛所封潛縣有天柱山
公子囊瓦按左氏楚公子貞
字子常此言公子

又兼稱囊瓦蓋誤於豫章
杜預云晉豫章在江北
夫概

古賚子常敗走奔鄭公孫
走鄭向也鄭國名至郢都也

音以正反又日算途遠故倒行而逆施之
反施音如字

子胥言志在復讐常恐且死不遂本心今幸而報豈論
理乎譬如人行前途尚遠而日勢已算其在顛倒疾行

逆理施事何得
責吾順理乎

六月敗吳兵於稷

按左傳作稷丘杜預云稷丘地名在郊外

取番

音普寒反又音婆蓋都陽也

徙于郟

音若郟楚地今闕

病創

音瘡夫湫音椒

又如

大夫種

劉氏云大夫姓種名非也按今吳南有文種據則種姓文為大夫官也

專復

皮逼

而抉吾眼

烏穴反抉亦決也

橐臬

音拓臬二音杜預云地名在淮南遠適縣東南

白公厲劔人問曰

按左氏人即子西之子平也白公弟王孫燕

子綦

左傳作子期也

吳王太子

左傳太子名友

昭夫人之宮

昭王夫人即惠王母越女也

如高府

杜預云楚之別府也

石乞從者屈固

按除廣云一作惠王從者屈固蓋此本為得而左傳云石

乞尹門圍公陽穴宮負王以如昭夫人之宮則公陽是王從者矣

寤於江上

音求頌反

史記索隱卷十七

欽定四庫全書

史記索隱卷十八

唐 司馬貞 撰

仲尼弟子列傳第七

孔子曰受業身通者七十有七人

按孔子家語亦有七十人唯文翁孔廟

圖作七十人

冉有季路

按論語一曰德行二曰言語三曰政事四曰文學今此文學政事在

言語上是其記異耳

師也僻參也魯

按論語先言柴次言由今此傳序之亦與論語不同不得

輒言其誤也

孔子皆後之不竝世

按自臧文仲已下孔子皆後之不竝世其所嚴事自

老子及公綽已上皆孔子同時也

注大戴禮記

按戴德撰禮號曰大戴禮合八十五篇其四十

七篇亡見今存者有三十八篇今裴氏所引在衛將軍篇孔子稱祈僎對晉平公之辭唯舉銅鞮介山二人行

耳

蘧伯玉

按大戴禮又云外寬而內直自娛於隱括之中直己而不直人汲汲于仁以善存止蓋蘧

伯玉之行也

老萊子

大戴記又云德恭而行信終日言不在悔尤之內貧而樂也蓋老萊子之行也

晏平仲

大戴記曰君擇臣而使之臣擇君而仕之有道順命無道衡命蓋晏平仲之行也

柳下

惠

大戴記又云孝恭慈仁允德圖義約貨亡怨蓋柳下惠之行也

銅鞮

地理志縣名屬上黨

顏回

年二十九髮白蚤死

按家語亦云年二十九而髮白三十二而死玉肅云此久遠之書年

數錯誤未可詳也投其年則顏回死時孔子年六十一然則伯魚年五十先孔子卒時孔子且七十也今此為

顏回先伯魚死而論語曰顏回死顏路請子之車孔子曰鯉也死有棺而無柳或為設事之辭按顏回死在伯

魚之前故以論語為設詞注衛瓘按瓘字伯玉晉太保閔損家語亦

少孔子不仕大夫按論語季氏使閔子騫為費宰子騫曰善為我辭焉是不仕大夫不食汙

君之祿冉耕字伯牛按家語云魯人冉雍字仲弓家語云伯牛之

十九歲仲由字子路家語一字季路委質按服虔注左氏云古者始仕必

先書其名於策委死之質於君然後為臣示必死節於君也注李充曰按充字弘度

亦作論也藥肇按肇字永初晉尚為蒲大夫蒲衛邑子路為之宰也

為衛大夫孔悝之邑宰方孔悝作亂按左傳蒯賁入孔悝家悝母伯姬劫

惺於廁強與之盟而立蒯謂宰予家語亦云魯人為臨淄大夫

仕齊齊都臨淄故與田常作亂按左氏傳無宰我與田常作亂之文然有關止

云為臨淄大夫也字子我而因爭寵遂為陳恒所殺恐字與宰予相涉因誤云然端沐賜衛人家語作木子石

公孫龍也地狹以泄按越絕書其泄字作淺王必惡越按惡猶畏惡也子胥以

諫死王劭按家語越絕並無此五字是時子胥未死國為虛莽有本作棘恐誤也鈇屈

盧上鈇音膚鈇斧也劉氏一本無此字屈盧矛名不可以應卒按卒謂急卒也言計慮不先定

不可以應卒有非常之事吳王果與齊人戰於艾陵按左傳在哀十一年與晉

相遇黃池按左傳黃池之會在哀十三年越入吳吳與越平也越圍王宮夫差自

殺按左傳越滅吳在哀二十二年則事並懸五國各有

變按左傳謂魯齊晉吳越也故云子貢一出存魯亂齊破吳強晉而霸越好廢舉與時轉

化貨資按家語貨作化王肅云廢舉謂買賤賣貴也隨時轉貨以殖其資也劉氏云廢謂物貴而賣之舉謂

物賤而收買之轉貨謂轉貴收賤也是時子貢為魯使於齊按左傳子貢為魯使齊在

哀十五年蓋言偃吳人家語云魯人按偃仕魯為武城宰耳今吳郡有言偃冢蓋吳郡

人為卜商按家語云衛人鄭玄云溫國人不子夏居西

河在河東郡之西界蓋近龍門劉氏云為魏文侯師按

夏文學著於四科序詩傳易又孔子以春秋屬商又傳禮著在禮志而此史竝不論空記論語小事亦其疎也

顯孫師陳人

鄭玄目錄陽城人陽城縣名屬陳郡

曾參南武城人

按武城屬魯當

時魯更有北武城故言南也

澹臺滅明南遊至江

按今吳國東南有澹臺湖即其遺跡

所以貌取人失之子羽

按家語子羽有君子之容而行不勝其貌而上文云滅明狀貌

甚惡則以子羽形陋也今此孔子云以貌取人失之子羽與家語正相反

宓不齊

家語云魯人字子賤

少孔子四十九歲此云三十不同

賢不齊者五人

按家語云不齊所父事者三人所兄事者

五人所友者十人不同也

原憲

鄭玄云魯人家語宋人少孔子三十六歲

原憲遂亡

家語

云隱居衛公冶長齊人

家語云魯人名莢字子長范甯云字子芝

南宮括字子容

家語作南宮緇按其人是魯孟僖子之子仲孫閱也蓋居南宮因姓焉

公皙哀字季次

家語

作公曾 唯季次未嘗仕家語云未嘗屈節為人臣故 曾蒧

音點又音反 字皙家語云曾點字皙曾參之父 顏無繇字路回父家語云顏

由字路回之父也孔子始教於闕里而受學焉少孔子六歲故此傳云父子異時事孔子故易稱顏氏之子者

是父子俱學孔門也 商瞿魯人字子木家語云瞿年三十八無子母欲更娶室孔子曰瞿過

四十當有五丈夫子果然瞿謂梁鱣勿娶吾恐子或晚生非妻之過也 馯臂子弘音韓鄒

誕生音汗按儒林傳蘭鄉子及漢書皆云馯臂字子弘今此獨作弘蓋誤耳應劭云子弘是子夏門人 矯

子庸疵儒林傳及系本皆作矯疵音自移反疵字或作 矯是姓疵名也 字子肩然矯姓魯莊公族也

禮記矯固見季武子蓋魯人史儒林傳皆云魯人獨此云江東人蓋亦誤耳儒林傳云馯臂江東人矯疵楚人

也 燕人周子家豎

周豎字子家 有本作林

淳于人光子乘羽

淳于 縣名

在北海光 羽字子乘

齊人田子莊何

田何字 子莊

東武人王子中同

王

字子

菑川人楊何

自商瞿傳易至楊何凡八 代相傳儒林傳何字叔元

高柴

鄭玄 云衛

人家語齊人高氏之別族長不盈 六尺狀貌甚惡此傳作五尺誤也

漆彫開

鄭玄云魯人 家語云蔡人

字子若少孔子十一歲又云習尚書不樂仕孔子曰可 以仕矣對曰吾斯之未能信王肅云未得用斯書之意

故曰未 公伯繆字周

馬融云魯人家語無公伯繆而有 申子周而譙周云疑公伯繆是譙

能信也 繆之人孔子不責而云其如命何非弟子之流也今亦 列比在七十二賢之數蓋太史公誤且繆亦作遠也

司馬耕字子牛

家語云宋人字子牛孔安國亦云宋人 弟安子曰司馬犁也牛是桓魋之弟以

魁為宋司馬故牛
遂以司馬為氏也
樊須字遲
鄭玄云齊人家
有若
家語云魯

人字子有少孔子三十三歲今此傳云
四十二歲不知傳誤又所見不同也
五丈夫子
謂五男也

巫馬施字子旗
鄭玄云魯人家語
梁鱣字叔魚
家語云齊人字

也叔魚
顏幸字子柳
家語云顏幸字柳按
禮記有顏柳或此人
少孔子四十六

歲
家語云少三十六
歲魯人與鄭玄同
冉孺字子魯
家語字子魯魯人作冉孺
曹邱少

孔子五十歲
同家語
伯虔字子折
家語作伯處字子哲皆
轉寫字誤未知適從

公孫龍字子石
家語或作寵又云龍七十子圖非龍也
按字子石則龍或非謬鄭玄云楚人家

語衛人然莊子所云
堅白之談則其人也
子石已右冉季產
家語冉季字產
秦祖字

欽定四庫全書

史記索隱

五

南

家語字
子南

漆彫哆

赤者反家
語字子斂

顏子驕

家語名產孔子在
衛南子招夫子為

次過市時
產為御也

漆彫徒父

家語字
同也

壤馬赤字徒

家語字
子徒者

石高

澤

家語
字季

石作蜀字明

家語
同

任不齊字選

家語字
子選也

公良孺

家語作良儒陳人字子正賢心有勇孔子周遊常以家
車五乘孔子家語在三十五人之中亦見系家在三十

二人不見蓋傳之數亦
誤也鄒誕本作公襄儒

后處字里

家語
同也

公夏首字乘

家語

同也

奚容箴字子皙

家語
同也

公肩定字中

家語
同也

顏祖字襄

家語

無此
人也

鄒單字子家

鄒音苦克反單音善則單名徐廣云
一作鄒單鉅鹿有鄒縣太原有鄒縣

家語無
此人

罕父黑字子索

家語作罕
父黑字索

秦商

家語魯人字丕
慈少孔子四歲

其人董與孔子父純俱以力聞也

申黨字周

家語有申繆字周論語有申振鄭玄云申振魯人弟

子也蓋申黨是根不疑以根黨聲相近上文又有公伯繆亦字周家語則無伯繆是史記述伯繆一人者也

公祖句茲字子之

句音鈎

榮子祺

家語榮祈字子顏也

縣成字子祺

家語作子謀也

左人郢字行

家語同也

燕伋字思

家語同也

鄭國字子徒

家語薛邠字徒史記作國而家語稱邠者蓋避漢祖諱而改邠與薛字誤也

秦非字子之施

之常字子恒顏噲字子聲步叔乘字子車顏之僕字叔

家語

原亢籍

家語名亢字籍

樂欬字子聲

家語同也

廉潔字子庸

家語

同也 叔仲會字子期

鄭玄云晉人家語魯人少孔子五十四歲與孔玦年相比二孺子俱執筆

述傳於夫子孟武伯見而放之是也

顏何字丹

家語字稱

狄黑字皙

家語同

邦巽

字子斂

家語巽作選字子斂文翁圖作國選蓋亦由避漢諱改也劉氏作邦巽邦音圭所見各異也

孔忠

家語云忠字子茂孔子兄之子也

公西輿如字子上

家語同

公西箴

字子上

家語子上作子尚也

已上四十二人無年及不見書傳者

按家語此例唯有三十七人其公良孺秦高步叔仲會四人家語有事迹史記闕然自公伯遼秦冉鄒單三人家語不載而別有琴牢陳亢縣豐當此三人數皆互有也如文翁圖所記又有林放蘧伯玉申枨申黨俱是後人以所見增益於今殆不可考

商君列傳第八

公叔座

公叔氏座名也座音在戈反

為中庶子

官名也魏已置之非自秦也周禮夏官謂

之諸子禮記文王世子謂之庶子掌公族也

座之中庶子

按戰國策云御庶子也

魏惠

王

即魏侯之子名縈後徙大梁而稱梁也

豈不悖哉

謂疾重而悖亂也

景監

景姓楚之

族也監音去聲平聲亦通

比三

比者頻也謂頻三見孝公言帝王之道也比音必耳反

說君

音稅

下君大說

音悅

固見非於世

按商君書非作負

見教於人

商君書作必見

驚於人也

不法其故

言救弊為政之術所為苟可以強國則不必須要法於故事也

甘龍曰

孝公之臣甘姓龍名也按甘氏出春秋時甘昭公王子帶後也

不肖者拘焉

言賢智之人作法更

禮而愚不肖者不明變通而軌拘制不使之行斯亦信然矣

湯武不循古

商君書作修古殷

夏不易禮

指殷紂夏桀也

令人為什伍

劉氏云五家為保十保相連

而相牧

司連坐

按牧司為相亂發也一家有罪則九家連舉發若不亂舉則十家連坐恐變令不行故設重禁

告姦者與斬敵首同賞

按謂告姦一人則得爵一級故云與斬敵首同賞也

匿姦

者與降敵同罰

按律降敵者誅其身沒其家今匿姦者與之同罪也

事末利及怠

而貧者舉以為收孥

末謂工商也蓋農桑為本故上云本業耕織也怠者懈也周禮謂之

疲民以言懈怠不事事之人而貧者則亂舉而收錄其妻子沒為官奴婢蓋其法特重於古也宗室非

有軍功論不得為屬籍

按謂宗室若無軍功則不得入屬籍謂除其籍則雖無功不及

爵秩也

臣妾衣服以家次

謂各隨其家爵秩之班次亦不使僭侈踰等也

言初令

謂鞅新變之法令為初令皆趨令行之趨音七踰反趨為大良造即

上造也即秦之第十六爵名也冀闕冀闕即魏闕也冀今云良造者或後變其名耳記也出列教令當

門記於此平斗桶音統堂音勇名音今之音斛也居領阨之西蓋即安邑之東

山領險阨之地即今蒲州之西魏遂去安邑徙都大梁

按紀年曰梁惠王二十九年秦衛鞅伐梁秦封之於商

西鄙則徙大梁在惠王之二十九年也商君相秦十年又下

於商二縣名在弘農按紀年云秦封商鞅在惠王三十年與此文合商君相秦十年又下

云五月而秦孝公卒按戰國策云孝公行商君法十八年而死與此文不同者按此直云

相秦十年耳而戰國策乃云行商君鞅之得見也從孟

法十八年蓋連其未作相之年耳鞅之得見也從孟

蘭臯

按孟蘭臯人姓名也言歎前因蘭臯得與趙良相見也

子不說吾治秦與

上說

音悅下與音予

自勝之謂強

謂守謙敬之人是為自勝若是者乃為強若爭名得勝此非強之道

三置晉國之君

謂立晉惠公懷公文公也

一救荆國之禍

按六國年表穆公二

十八年會晉救楚朝周是也

教之化人也深於命

按劉氏云教謂商鞅之令也命謂秦

君之命也言人畏鞅甚於秦君也

人之効上捷於令

上謂鞅之處分也令謂秦君之令也

今君又左建外易

按左建謂以左道建立威權也外易謂在外草易君命也

闕戟

闕亦

鉞同所及反鄰又音吐騰

注查屈盧

上音遼下音九物反按屈盧干將竝古良匠造矛戟者之名

書曰恃德者昌

此是周書之言孔子所刪之餘也

歸十五都

衛鞅所封商於二縣

以為國其中凡有十五
都故趙良勸令歸之
所以收君豈其微哉
謂鞅於秦無仁恩故

秦國之所以將收錄鞅者
其功甚明故云豈其微哉
走商邑
上音奏奏
注京兆鄭

縣
按地理志京兆有鄭縣秦本紀云初縣
於鄭黽池
杜鄭按其地是鄭桓公友之所封也

鄭黽池者時黽池屬鄭故也而徐廣云黽或作彭
池者按鹽鐵論云商君困於彭池黽音止忍反
天資

刻薄人也
謂天資其人為刻薄之行刻謂用刑深刻薄謂棄仁義不憚誠是薄也
挾持淳

說
說音如字淳說即虛說也謂鞅得用刑政深刻又欺

是淳說耳非
開塞耕戰書
按商君開謂刑嚴峻則政化其本性也

意本於嚴刑少恩又為田開阡陌
及言斬敵首賜爵是耕戰書也
注新序論曰
按新序是劉歆

欽定四庫全書

史記索隱

九

所撰其中論商君故裴氏引之

注歸藉

音昨字合作昨誤為藉耳按本紀周歸文武昨於孝公是也

注刑用棄灰

按說苑云秦法弃灰於道者有刑是其事也

蘇秦列傳第九

蘇秦東周雒陽人也

蘇秦字季子蓋蘇忿生之後已姓也諱周云秦兄弟五人秦最少兄

代代弟厲及辟鵠並為游說之士此下云秦弟代代弟厲也

鬼谷先生

按鬼谷地名也扶風池陽

潁川陽城並有鬼谷墟蓋是其人所居因為號又樂出壺注鬼谷子書云蘇秦欲神祕其道故假名曰鬼谷

游數歲大困而歸

按戰國策此語在說秦王之後

夫士業已屈首受書

按謂士之立操業者素也本也言本已屈首低頭受書於師也

徧觀之

音遍官二音按謂盡觀覽其書

也

得周書陰符

按戰國策云得太公陰符之謀則陰符是太公之兵符也

以出揣摩

揣摩初委反摩燒何反鄒誕本作揣靡靡讀亦為摩王
邵云揣摩摩意是鬼谷之二章名非為一篇也高誘曰

揣定也摩合也定諸侯使警其術以成六國之
從也江邃曰揣人主之情摩而近之其意當矣 皆少之

謂王之左右素慣習知秦浮說多不中當世而以
為蘇秦智識淺故云少之劉氏云少謂輕之也 北有

代馬 按謂代郡馬邑也地理志代郡又有馬 此天府 按

禮秦官有天府鄭玄云府物所 說燕文侯 上音稅下並

失 藏言天尊此所藏若天府然 北有林胡樓煩 地理志樓煩 西

有雲中九原 按地理志雲中九原二郡名秦 注濔沲出

尺 史記卷一百一十五 史記卷一百一十五 十

鹵城

按溇池水名并州之川也音呼池又地理志鹵城縣名屬代郡溇池河自縣東至參谷又東至文安

入海也

車六百乘粟支數年

按戰國策車七百乘粟支十年

南有碣石

戰國

策碣石山在常山九門縣地理志大碣石山在右北平驪城縣西南

軍於東垣矣

地理志高帝改

曰真也

趙肅侯

按世本云肅侯名言

請別白黑所以異陰陽

按戰國策云請

屏左右白言所以異陰陽其說異此然言別白黑者蘇秦言已今論趙國之利必使分明有如白黑分明陰陽

殊異也

則趙氏自操兵

戰國策作自銷鑠

據衛取卷

地理志卷縣屬河南按戰

國策云取淇

注常山有蒲吾

按徐氏所引據地理志云然也

前有樓闕軒轅

戰國策云前有軒轅又史記俗本亦有作軒冕者非本文也

長姣

音交說文云姣美也

臣人之

與臣於人

按臣人謂己為彼臣也臣於人者謂我為主使彼臣己也

夫衡人者

按衡人即

游說從橫之士也東西為橫南北為從地形東西橫長故張儀相秦為秦連橫

恐愒諸侯

上起拱反

下許曷反謂相恐脅也鄒氏愒音憇其意踈

通質

音如字又音躡以言通其交質之情

韓絕其

糧道

謂攤兵於曉關之外又守宜陽也

趙涉河漳

謂趙亦涉河漳而西欲與韓作援以阻秦

軍楚絕其後

謂出兵武關以絕秦兵之後

魏塞其道

按其道即河內之道戰國策其

作魏軍河外

河外謂陝及曲沃等處也

六國從親以賓秦

謂六國之軍共為合

從相親獨以秦為賓而共伐之

黃金千鎰

戰國策作萬鎰一鎰為一金則二十兩曰一鎰為米二升

鄭玄以一鎰為二十四分之一其說異也

錦繡千純

音淳裴氏云純端疋名高誘注戰國策音屯屯

東也又禮鄉射云某賢於隄地也劉氏曰在龍門某若干純純數也音旋也雕陰河之西北按地理志雕

陰屬說韓宣王按世本韓宣王鞏成臯二邑本屬東周

上郡志二縣並商阪之塞劉氏云蓋在商洛之間東有宛穰

屬河南地理志宛穰二適秦楚之險塞是也澗子按許慎注淮南

子發出柘弩及竹弩少府時力距來韓又有少府所造時力距來

得時則力倍於常故有時力也距來者謂以弩超足而

射按超足謂超騰用執蓋起足躡皆出於冥山莊子云

北郭象云冥山在乎太極李軌云在韓國棠谿地理志棠

谿亭在汝南吳房縣**墨陽**淮南子云服劍者貴於刺利而不**合購**

按職國策作合伯**鄧師**鄧國有工鑄**宛馮**徐廣云滎陽春秋後語作合相

人於馮池鑄**龍泉太阿**按吳越春秋楚王令風胡子請劍故號**宛馮**吳干將越歐冶作劍二其一曰

龍泉二曰太阿又太康地記曰汝南西平有龍泉水可以淬刀劍特堅利故有龍泉水之劍楚之寶劍也以特

堅利故有堅白之論云黃所以為堅也白所以為利也齊辨之曰白所以為不堅黃所以為不利也故天下之

寶劍韓為衆一曰棠谿二曰墨陽三曰合伯四曰鄒師五曰宛馮六曰龍泉七曰太阿八曰莫耶九曰干將也

然干將莫耶匠名也其劍皆出西平縣今**當敵則斬堅**有鐵官令一別領戶是古鑄劍之地也

甲鐵幕按戰國策云當敵則斬甲盾提蓋鐵幕也鄒誕幕一作陌劉云謂以鐵為臂脛之衣言其劍利

能斬之也 **草抉** 音決謂以草為射決決射構也 **啖苳** 啖與苳同音伐謂楮也苳音如字謂繫楮之綬

也 **今茲效之** 按鄭玄注禮云效猶呈也見也 **寧為雞口不為牛後** 按戰國策

云寧為雞尸不為牛從延篤注云尸雞中主也從謂牛子也言寧為雞中之主不為牛之從後也 **太息**

曰 太息謂久蓄氣而大呼也 **今主君** 謂指蘇秦也禮卿大夫稱主今嘉蘇子合從諸侯襄而美之故

稱曰 **說魏襄王** 世本惠王子名嗣 **許郾** 音偃又於建反戰國策作郾按地理志潁川有

許郾二縣又有偃陵縣 **注一篇** 遺曰 **昆陽召陵** 地理志潁川屬

潁川台陵 **舞陽新都新鄆** 地理志舞陽屬潁川新都屬汝南按即鄆丘章帝以封殷

後於宋新都屬南陽按戰國 **無胥** 按其地關 **西有長城** 徐廣云蔡

陽卷縣有長城蓋據地險為說也

築帝宮

謂為秦築宮備其巡狩而舍之故謂之帝宮

受冠

帶

謂冠帶制度皆受秦法

祠春秋

言春秋貢奉以助秦祭祀

禽夫差於干遂

按

遂地名不知所在然按干是水旁之高地故有江干河干是也又左思吳都賦云長干延屬是干為江旁之地

遂者道也於干有道因為地名

注衣三屬之甲 衣音意屬音燭按三屬謂甲衣也覆膊一也甲

裳二也脛衣三也 甲 之有裳見左傳也

注嬴三日

上音盈謂齋糗糧

注中試

音竹仲反

謂其筋力能負重所以得中試也

則復利其宅

復音福謂中試之人國家當優復賜之上田宅

故云利其四宅也

蒼頭二十萬

謂以青巾裹頭以異於衆苟卿魏有蒼頭二十萬是也

徒十萬

廝音廝謂廝養之卒廝養馬之賤者今起為之卒

割地以效實

謂割地獻秦以

效己之誠實 **效愚計** 此效猶呈也見也 **說齊宣王** 世本名辟疆威王之子也 **五家**

之兵 按高誘注戰國策云五家即五國也 **進如鋒矢** 按戰國策作疾如錐矢高誘曰錐矢小矢

喻徑疾也呂氏春秋曰所貴雖矢者為應聲而至 **六博** 按王逸注楚詞云博著也行六棊故曰六博

蹋鞠 上徒臈反下居六反注云蹴鞠促六反蹴亦蹋也崔豹云起黃帝時習兵之執 **過衛陽晉**

之道 按陽晉魏邑也魏世家哀王十六年秦拔魏蒲阪陽晉封陵是也劉氏云陽晉地名蓋適齊之道衛

之西 **徑乎亢父** 亢音剛又苦浪反地也 **恫疑** 上音通一音南也 理志縣名屬梁國也 洞恐懼也

虛獨 獨本一作喝並呼葛反高誘曰虛獨喘息懼貌也劉氏云秦自疑懼不敢進兵虛作恐怯之詞以脅

也 **說楚威王** 威王名商宣王之子 **夏州** 裴駘據左氏及車胤說夏州其文甚明而劉伯

莊以為夏州侯之本國亦未為得也

海陽

按地理志無海陽劉氏云楚之東境

南有洞庭

今

青草湖是也

蒼梧

地名地理志有蒼梧郡

北有陘塞

陘山在楚北境咸王十一

年魏敗楚

郟陽

上音荀北有郟陽其地當在汝南潁川之界驗地理志及太康地記北境並無

郟邑郟邑在河東晉地計郟陽當是新陽聲相近字變耳汝南有新陽縣應劭云在新水之陽猶幽邑變為柵

亦當然也徐氏郟陽當是慎陽蓋其疎也

疑於王者

疑作擬讀

委蛇蒲服

委地謂以面掩

地而進若地行也蒲服即匍匐並音蒲卜

注秦字季子

按其嫂呼小叔為季子耳未必即其字允

南即以為字未之得也

負郭田

負者背也枕也近城之地沃潤流澤最為膏腴故曰負郭也

投從約書

按諸本亦作設言設者謂宣布其從約六國之事以告於秦若作投亦為易解

俯而

慶仰而弔

劉氏云當時慶弔應有其詞但書家不錄耳

烏啄

音卓又音許穢反今之毒藥烏

頭是為其愈充腹

劉氏以愈猶暫非也謂食烏頭為其暫愈飢而充腹少時毒發而死亦與飢死

同患也

今齊長主

按謂齊王年長也或作齊強故言長主

覆三軍得二將

按徐

廣云齊覆三軍而燕失二將又戰國策云獲二將亦謂燕之二將是燕之失也

從子母弟

戰國策從

作寵而賈十倍

按謂紫色價貴於帛十倍而本是敗素以喻齊雖有大名而其國中困斃也

夷方七百里

謂山戎北狄附齊者

必長賓之

長音如字賓為擯

涇陽君高

陵君

二人秦王母弟也高陵君名顯涇陽君名悝

正告

正告謂顯然而告天下也

浮於汶

音旻即江所出之岷山也

乘夏水

夏音暇謂夏潦之水盛長時也

宛東下隨

宛縣之東而下

隨邑乘船出於巴

巴水名與漢水近

五渚

按五渚五處洲渚也劉氏以為宛鄧之間臨漢

水不得在洞庭或說五渚即五湖蓋與劉說不同也

寡人射隼矣

按易曰射隼於高墉之上獲無

不利秦王言我今伐楚必當捷獲也

起乎少曲

地名近宜陽也

莫不盡繇

音搖搖動也

我離兩周

離如字謂屯兵以懼二周也而乃塞女戟

女戟

女戟

地名蓋在太行山之西

韓氏太原卷

劉氏卷音軌色反也按舉安邑塞女戟及至韓氏之韓國

宜陽也太原者魏地不至太原亦無別名太原者蓋太行字也原當為京及卷皆屬滎陽是魏境又下軹道是

河內軹縣言道者亦行字徐廣云霸陵有軹道亭非魏之境其疎謬如此

南陽封冀

按魏之南陽即

河內也封封陵也冀冀邑皆在魏境故徐廣云河東皮氏縣有冀亭

決滎口

滎澤之口與今汴河口通

其水深可以灌大梁故云無大梁也
決白馬之口
白馬河津在東郡決其流以灌外黃及濟陽

決宿胥之口
按紀年作胥蓋亦津之名今其地不知所在也
魏無虛頓丘
虛邑名地

與酸棗相近
為齊罪
秦令齊滅宋仍以破宋為齊之罪名
攻魏重楚
重猶附也尊也
殘

均陵
在南陽蓋今之均州
安黽厄
音音縣名在江夏
得講於魏
講和也解也秦與魏

和也
至公子延
至當為質謂以公子延為質也
因犀首屬行
犀首公孫衍本魏將因之

以屬軍行行音胡郎反謂連兵相續也
傷於譙石而遇敗於陽馬
按譙石陽馬並

趙地名非縣邑也
贏則兼欺舅與母
按贏猶勝也舅穰侯魏冉也母太后也
適燕

者
適音宅適者責也下同
三川晉國之禍三晉之半
以言西河之外上頷之地

及三川晉國皆是秦與魏戰之處秦兵禍
敗我三晉之半是秦禍如此其大者乎
而燕趙之秦

者燕趙之人往秦者謂游說之士也
蘇秦兄弟三人按譙允南以為蘇氏兄弟五人更有

蘇辟蘇鵠典略亦同其說按蘇氏譜云然

張儀列傳第十

張儀者魏人也按晉有大夫張老又河東有張城張氏為魏氏人也而呂覽以為魏氏餘子

則蓋魏之支庶也又書略說餘子謂庶子也
游說音稅驛古釋字曰嘻音僖鄭玄曰嘻

悲恨之聲相約從親從音足容反
而數讓之按謂數設詞而讓之讓亦責也數音朔

寧渠能乎渠音詎古字少假借耳
為文檄按徐廣云一作文二檄王劭按春秋後語云文

二尺檄許慎從若飲若者汝也下文而亦訓汝苴蜀相攻擊上苴音巴謂巴

蜀之夷自相攻擊也今字作苴者按巴苴是草名今論巴遂誤作苴也或巴人巴郡本因巴苴得名所以其字

遂以苴為巴也注益州天苴讀為芭黎天苴即巴苴也譙周蜀人也知天苴之音讀為

芭黎之芭按芭黎即織木葦為葦籬也今江南亦謂葦籬曰芭籬也司馬錯七各反又七

什谷之口一本作尋谷尋什聲相近故其名惑也戰國策云輾輾緱氏之口亦其地相近也秦

攻新城此新城當在河南伊闕之左右去王遠矣王音于放反遇其財足以

富人戰國策利盡西海西海謂蜀川也海者珍藏所聚生猶謂秦中為陸海然也其實

西亦有海也名實附也按名謂傳其德也實謂得土地財寶臣請謁其故謁者告也

陳也故謂陳不起兵伐蜀十月取之六國年表在惠王二十二年十月也

蒲陽魏邑名也曰夏陽音下夏山名也亦曰大夏是蜀所都秦下兵攻河外之河

西即曲沃平周之邑等據卷行卷縣在河南行地名秦折韓而攻梁戰國策折作挾

也獻商於之地劉氏云商即今之商州有古商城其西二百餘里有古於城不欲出

之按不字當作必時張儀為楚所囚故必欲出之也聞蘇秦死按此時當秦惠王之後元十四

年必折天下之脊按常山於天下在北有若人之背脊也枋船枋音方謂並兩船也

亦音船扞關在楚之西界注巴郡魚復音伏按地理志巴郡有魚復縣偏守新

城上足連反此云新城當在吳楚之間漢中其地在秦南山之南楚之西北漢水之北名曰漢中攻

失宅四車全書大紀索隱

衛陽晉大關天下曾

夫以常山為天下脊則此衛及陽晉當天下曾蓋其地是秦晉齊楚

之交道也以言秦兵據陽晉是大關天下曾則他國不得動也

泗上十二諸侯

謂邊近泗水之

側當戰國之時有十二諸侯宋魯邾莒之比也

混一諸侯

混本作棍同胡本反

而厮徒負

養

厮音斯謂雜役之賤者負養謂負擔以給養公家亦賤人也

虎賁之士跣跣科頭

上跣跣音徒俱二音又音劬劉氏云謂跳躍也又集韻云偏舉一足曰跣跣戰國策曰虎摯之士虎跣科頭謂

不著兜鍪貫頤謂兩手捧頤而直入敵言其勇也

奮戟

謂又有執戟者奮怒而趨入陣探前

跌後

謂馬前足探向前後足跌於後跌音烏穴反跌謂後足跌地言馬之走執疾也

蹄間三尋

按七尺曰尋言馬走之疾前後蹄間一擲過三尋也

徒裼

徒者徒跣也裼袒也謂袒而見肉也

鴻臺

之宮桑林之苑

按此皆韓之宮苑亦見戰國策

番吾

上音盤又音婆趙之邑也

梁效

河外

按河外河之南邑若曲沃平周等也

割河間

謂河漳之間邑暫割以事秦耳

督過之

督者正其事而責之督過是深責其過也

塞午道

此午道當在趙之東齊之西也午道地名也鄭玄云

一縱一橫為午謂交道也

金斗長其尾

斗音主凡方者為斗若安長柄則名為抖音主尾即斗之

柄其形若刀也

熱啜

音昌悅反按謂熱而啜之是羹也於下云厨人進斟斟謂羹勺故因名羹曰斟故左

氏羊羹不斟是也

恒山之尾

尾猶末也謂獻恒山城以與秦

馮喜

此與戰國策同舊本喜者

誤也祭器必出

凡王者大祭祀必陳設文物軒車彝器等因謂此等為祭器也

外伐與國

謂齊之伐梁也梁之與齊先相許與約從為隣故云與國也

張儀相魏一歲卒

年表張儀

以安僖王十年卒紀年云

梁安僖王九年五月卒

吾為事來軫語犀首言我故來欲有教汝之事

何不厭事矣上一艷反厭者飽也

田需需時為魏相也

中謝謂

侍御館莊子謂逆旅舍其人字莊子者或作卞莊子也

或曰勿救便此蓋張儀等之

計願子為子主計子指陳軫也

臣主與王何異臣主謂軫之主

楚王也王秦惠王以言我主與王俱宜待韓魏之斃而擊之亦無異也

秦魏之交可錯矣

錯音措按錯音措按不得復過音戈言義渠道遠今日

請謁事情已後不復得更過相見

謂欲以秦之饒急告語之也

曰中國無事

按謂山東諸侯齊魏之大國等

秦得燒掇

焚杆上擬音都活反謂焚燒而侵略焚杆音煩烏二音

說其事也

君之有事

謂山東諸國共伐秦

事君之國

謂秦求親義渠君也

五國伐

秦

按表秦惠王後元七年楚魏齊韓趙五國共攻秦是其事也

千純

凡絲綿布帛等一段為一純純

也此公孫衍所謂耶

按謂上文犀首云君之國有事秦將輕使重幣事君之國故云衍之

所謂因起兵彙秦以傷張儀也

入李伯之下

謂義渠渠破秦而收軍而入於李伯之下則李伯人名

或邑號戰國策伯作景

佩五國之印為約長

犀首後相五國或從或橫常為約長

暴

下音步卜反振謂以扶其說

之

按扶謂說彼之非成我之說辭

成其衡道

張儀說六國使連衡而事秦故云成其衡道然山東地形從長蘇秦相六國今從視而竄

秦也關西地形衡長張儀相六國令破其從而連秦之衡故謂張儀為連橫矣

史記索隱卷十八

欽定四庫全書

史部

史記索隱卷十九至二十三

詳校官侍講學士臣法式善

洗馬臣王坦修覆勘

總校官編修臣王燕緒

校對官編修臣王允中

謄錄監生臣薛夢斌

欽定四庫全書

史記索隱卷十九

唐 司馬貞 撰

樗里子甘茂列傳第十一

樗里子名疾

按樗木名也音搃高誘曰其里有大樗樹曰樗里然疾居渭南陰鄉之樗里故號曰

樗里子又按紀年則謂之樗里疾也

滑稽多智

滑稽音骨稽音雞鄉誕又音滑稽或解云滑亂也稽同

也言使捷之人言非若吳言是若非謂能亂同異也一曰滑稽酒器可轉注吐酒不已以言俳優之人出口成

滑稽不窮竭如滑稽之吐酒不已也

爵右更

執右更秦之第十四爵名也

惠王八年使

伐曲沃出其人

按年表云十一年拔魏曲沃歸其人又秦本紀惠文王後元八年五國共圍秦

秦伐庶長疾與戰修魚斬首八萬十一年擣里疾攻魏焦降之則焦與曲沃同在十一年明矣而傳云八年拔

之不同王劭按本紀年表及此傳三處記秦伐國垣不同又與紀年不合今亦殆不可考號為嚴君

按嚴君是爵邑之游騰游姓騰名也知伯之伐仇猶戰國策云知伯

欲伐仇猶遺之大鍾戴以廣車高誘注以仇猶為公由韓子作仇由地理志臨淮有公猶縣也昭王元

年擣里子將伐蒲按紀年云稽里疾圍蒲不克而秦惠王薨事與此合胡衍人名也

衛必折而從之戰國策云今蒲入於秦衛必折而入於衛與此文相反章臺之東

按黃圖在漢長安故城西武庫正直其墓直如字讀直猶當也甘茂者下蔡人

地理志下蔡縣屬汝南也

事下蔡史舉先生

戰國策及韓子皆云史舉上蔡監門

蜀侯

輝

音暉又音胡昆反秦之公子封蜀也華陽國志作輝

相壯反

側狀反姓陳也

迎甘茂於

息壤

按山海經啓筮云鯀竊帝之息壤以堙洪水或是此也

南陽積之久矣

謂上黨南

陽並積貯日久矣

倍數險行千里

數者率腴反

公孫奭

按戰國策作公孫衍

其

弟立為昭王

按趙系家昭王名穆系本云名側也

楚圍韓雍氏

按秦惠王二十六年

楚圍雍氏至昭王七年又圍雍氏韓求救於秦是再圍也劉氏云此是前圍雍氏當報王之三年戰國策及紀

年與此並不同解口地

解口秦地名近韓今將與楚也

封小令尹

又封楚之小令尹以杜陽

亦秦地今以封楚令尹是秦楚合也

彼有以失之

彼公孫奭及甘茂也有以失之謂不見委任情

有所

而交走秦也

韓楚怨不解二國交走向秦也

與魏講罷兵

鄒氏云講讀曰

媾媾猶和也

置之鬼谷

按徐廣云在陽城劉氏云此鬼谷在闕內雲陽是矣

位之上卿

而處之

按處猶留也

范雎

音休緣反又休軟反

注一作蠅

休緣反戰國策云作蠅也

內行章義之難

謂台滑內心猜詐外則佯章思義而卒包藏禍心排難於楚也

注一云

內向章昧之難

按戰國策云納章向之難

事文信侯

戰國策云廿羅事呂不韋為庶

子請張卿

即張唐也卿字也

大項橐

音託尊其道德故云大項

應侯范齋

臣五城

上音側奚反一音齋並謂割五城與臣也

得上谷三十城

戰國策云得三十六

今秦有十一

謂以十一城與秦也

縣

穰侯列傳第十二

穰侯魏冉

宣太后之異父長弟也。姓魏，名冉，封之穰地。理志：穰縣在南陽宣太后者，惠王之妃，姓芋。

氏曰芋八子者是也。

惠文后先武王死

秦本紀云：昭王二年，庶長壯與大臣公子為逆，皆誅。

及惠文后皆不得良死。又按紀年云：秦內亂，殺其太后及公子雍、公子壯，是也。

華陽君

華陽，韓地，後屬

秦芋戎後又號新城君

高陵君

名顯

涇陽君

名悝

誅季君

按季君即公

子壯，僭立而

號曰季君。穰侯力能立昭王為將軍，衛咸陽，誅季君及惠文后，故本紀言伏誅。又云：及惠文后皆不得良死，蓋

謂惠文后時，黨公子壯，欲立之，及壯誅而太后憂死，故云不得良死。亦史諱之也。又逐武王后，出之魏，亦事勢

然仇液

戰國策作机郝蓋是一人而記別也。

宋公

戰國策作宋交

陶

陶即定陶也。徐廣云：作陰

陶陰字本易惑也王劭按定陶見有魏丹冢作陰誤也

三梁

即南梁也

故國

衛之故國蓋楚丘也

下文故地亦同謂楚丘也戰國策衛字皆作燕子良作子之恐非也

盡晉國

河東河西河內竝是魏地

即故晉國今言秦蠶食魏氏盡晉國之地也

講

和也

必見欺

謂與秦欲講少割地而求秦質子恐

不然必被秦欺也

所聞於魏

須賈說穰侯言魏人謂梁王若少割地而求秦質必是欺我即聞魏

見欺於秦也

陶邑必亡

陶一作魏言秦前攻得魏之城邑秦罷則亡而還於魏也

魏氏方

疑賈引魏人之說不許王講于秦是言魏氏方疑可以少割地而收魏也

從以此散

楚趙怒魏

之與秦講時爭事秦是東方從

兩道

穰侯封陶魏效絳與安邑是得河東

地言從秦適陶關

幾盡故宋

上音祈此時宋已滅無行是秦將盡得宋地也

危言莫行國益趙既得觀津仍令趙伐齊臣竊必之告

王言秦必定不
益兵以助趙

白起王翦列傳第十三

新城在河南也安邑魏以安邑入秦然安邑以東至乾光狼

城地理志不載光野王地理志野王縣屬河內在太鄭

道已絕鄭國即韓之都在河南秦伐平陽君平陽君未

蘭今其地闕西河注泣氏地理志泣氏今上黨謂也兵

據援上黨斥兵謂犯秦之加音加禪鄣鄣堡城發年十五以

上時已屬秦定上黨秦前攻趙已破上黨今迴兵杜郵故發其兵

按故咸陽城在渭北社郵今在咸陽城中注張虛捲猶可畏也非但憂平

原君之補袒諸侯之掾至也掾音拳袒音濁菀反頻陽

地理志頻陽縣屬左馮翊應劭曰在頻水之陽也王賁賁音奔寢徐廣云固始寢丘固始縣屬淮

陽寢丘地名也城父在汝南使使還請善田五輩謂使者者五度請也超

距猶跳躍也

孟子荀卿列傳第十四按序傳孟嘗君第十四而此傳為第十五蓋後人差降之矣

孟軻騶人也軻音苦何反又苦賀反鄒魯地名又云邾邾人徙鄒故也受業子思之

門人

王勃以人為衍字則以軻親受業孔伋之門也今言門人者乃受業於子思之弟子也

萬章

之徒

孟子有萬章公明高等蓋並軻之門人也萬姓章名

大竝世盛衰

言其大體隨代盛衰

觀時而

騶行

桓寬王充竝以行之所言迂怪虛妄干惑說事而六國之君因納其異說所謂匹夫而夔惑

諸侯者

裨海

裨音脾裨海小海也九州之外更有大瀛是也海故知此裨是小海也且將有裨將裨是

小義也

始也濫耳

濫即濫觴是江原之初始故此文意以濫為初也謂行之術言君臣上下六親

之際行事之所施所始皆可為後代之宗本故云濫耳

懼然顧化

懼音劬謂行之術皆動人心見

者莫不懼然駐想又內心留顧而已化之謂欲從其術也按化者是易常聞而貴異術也

褻席

疋結反韋昭曰敷蔑反張揖三蒼訓誥云褻拂也謂側而行以衣褻席為敬不敢正坐當賓主之禮也

擁

琴

按琴帚也謂為之掃地以衣擁帚而却行恐塵埃之及長者所以為敬也

作主運

按劉向別錄云

鄒子書有主運篇

孟軻困於齊梁同乎哉

按仲尼孟子法先王之道行仁義之化且

菜色困窮而鄒衍執詭怪熒惑諸侯其見禮重如此可為長太息哉

梁惠王謀攻趙孟軻

稱太王去邠

今按孟子太王去邠是軻對滕文公語今云梁惠王謀攻趙與孟子不同

持方

枘欲內圓鑿

按方枘是筍也圓鑿是孔也謂工人斲木上方筍而內之圓孔不可入也故楚詞云

以方枘而內圓鑿吾固知其鉏鋸而不入是也謂職國之時仲尼孟軻以仁義干聖主猶方枘圓鑿然

儻

亦有牛鼎之意乎

按呂氏春秋云函牛之鼎不可以烹雞是牛鼎言行之術迂大儻若大用

之是有牛鼎之意而譙周亦云觀太史公此論是其愛奇之甚齊之稷下先生

稷下齊之城門

也或云稷下山名謂齊環淵按劉向別錄環作姓也接子古著書人之稱

號私心在彼有之謂私心實在彼馬與謳也首卿趙人

名況卿者時人相尊而號曰卿也仕齊為祭酒仕楚為蘭陵令後亦謂之孫卿子者避漢宣帝諱改也談

天行謂鄒衍談天地廣大及終始五行言天事故云談天雕龍奭謂鄒奭修衍文飾若雕龍之文

炙轂過髡按劉向別錄過字作輶輶車之盛膏器也炙之雖盡猶有餘津言髡智不盡如炙輶也按

劉氏云轂衍字也今按文稱炙轂過則是器名音如字讀謂盛脂之器名過過與鍋字相近蓋即脂器也轂即

車轂過為潤轂之物則轂非衍字矣齊襄王時按襄王名法章湣王子莒人所立者荀卿三

為祭酒按禮食必祭先飲酒亦然必以席中之尊者一人祭耳後因以為官名故吳王濞為劉氏祭酒

是也而卿三為祭酒者謂荀卿出入前後三度處列趙大夫康莊之位而皆為其所尊故云三為祭酒也

亦有公孫龍

按即仲尼弟子名也此云趙人弟子傳作衛人鄭玄云楚人各不能知其真也又下

文云並孔子同時或曰在後所以知非趙人也

田駢

步堅步經反二音

劇子之言

按著書之

人姓劇氏而稱子也前史不記其名也故趙有劇孟及劇辛也

楚有尸子長盧

按尸子名佼音

絞晉人車具別錄長盧未詳

阿之吁子

阿齊之東阿也吁音羊別錄作羊子今吁亦如字也

注

為雲梯之械

按梯者構木服高也言雲者言其昇高入雲故曰雲梯械者器也謂攻城之樓櫓也

注解帶為城

謂墨子為術解身上草帶以為城也

注以牒為械

按牒者小木札也械

者樓櫓等也

注公輸般之攻械盡

劉氏音械謂飛梯接車飛石車弩之具

注般

詘音邱勿反所謂般禽滑釐墨子弟子之姓或曰竝

孔子時或曰在其後按別錄云今按墨子書有文子文子即子夏之弟子問於墨子如此

則墨子在七十子之後也

孟嘗君列傳第十五

田嬰者齊威王少子宣王庶弟也

按戰國策及諸書並無此言蓋諸田之別

子也故戰國策每稱田蚡田嬰云蚡子嬰子也王劭又按戰國策云齊豹辨謂齊宣王曰王方為太子時辨謂靖郭君不若廢太子更立郊師靖郭君不忍宣王太息曰寡人少昧不知以此言之嬰非宣王弟明也

王二年田忌與孫臏田嬰俱伐魏敗之馬陵

紀年當梁惠王二十

八年至三十一年改為後元 宣王七年嬰與韓昭侯魏惠王會東阿

紀年當惠王之後元十一年彼文作平阿又云十三年會齊威王于郵與此明年齊宣王與梁惠王會郵文同

但齊之威宣二王 湣王即位三年而封田嬰於薛 紀年文外互並不同 以為

梁惠王後元十三年四月齊威王封田嬰于薛十月齊薛十四年薛子嬰來朝十五年齊威王薨嬰初封彭城

皆與此文異也 母竊舉生之 按上舉謂初誕而舉之下舉謂洛而乳之生謂長養之也 不利

其父母 按風俗通云俗說五月 玄孫之孫為何曰不能 五日生男害父女害母

知也 按爾雅云玄孫之子為來孫來孫之子為昆孫昆孫之子為仍孫仍孫之子為雲孫又有耳孫亦是

玄孫之子 短褐 短亦音豎豎褐謂褐衣 而豎裁之以其省而便 謚為靖郭君 按謂

死後別號之曰靖郭耳則靖郭或封邑
號故漢齊王舅父馮鈞封靖郭侯是也
欲以遺所不知

何人

按遺音唯季反猶言不知欲遺以與何人

注南

音鄒亦音陬陬者城隅也

舍業厚

遇之

按舍業者捨棄其家產業而厚事賓客也劉氏云舍音赦謂為之築舍立居業

木禺人

音偶

又音寓謂以土木為之偶類於人也蘇代以土偶比涇陽君木偶比孟嘗君也

抵胎王幸姬

音抵

丁禮反按抵謂觸冒而求之也

更封傳

史者改也改前封傳而易姓名不言是孟嘗之名封傳猶今之

驂不自德是惡王遣孟嘗君自言己無德也

蘇代為西周

戰國策韓慶為西周謂薛

公舍人魏子

舍人官微記姓而略其名故云魏子

收邑人

收其國之租稅也

而聽

親弗

親姓弗名也戰國策作祝弗茲祝為得也

收周最以厚行

周最本厚於齊今欲逐之

欽定四庫全書

史記索隱

八

而相秦之亡將蘇代謂孟嘗君令齊收周最以自厚其行又且得反齊王之有信以不逐周最也 又禁

天下之變

禮謂齊秦合則親弗呂

諡為孟嘗君

按孟嘗襲父封

薛而號曰孟嘗君云諡非也孟字也嘗邑在薛之旁是也 馮驩

音歡字或作

躡蹻

又作躡蹻音脚字亦作蹻

傳舍

遂緣反

又蒯緄

蒯草名蒯賸之蒯緄音侯字亦作侯謂把劍之物言其細無物可裝但以蒯繩纏之故云蒯緄

遷之幸

舍

按傳舍幸舍及代舍並當上中下三等之客所舍之名耳

貸錢多者不能與其息

按與猶還也息猶利也

文奉邑少也

言文奉之邑少故令出息於薛

夫朝趣市

趣音

向也

過市朝

上音光卧反下音潮謂市之行位有如朝列因言市朝耳

所期物忘其

中 按其物謂入市心中所期之物利故平明側肩爭門而入今日暮所期忘其中忌者無也其中市朝之中

言日暮物盡故掉臂不顧也

平原君虞卿列傳第十六

有臂者槃散

上臂音壁 跚音先 寒反亦作散 同音

罷癢

上音皮下 呂宮反 罷癢謂背疾也言

腰曲而背癢高

乃穎脫而出

按鄭玄曰穎環也 脫音吐 活反

目笑而未廢也

按鄭

玄曰皆目視而輕笑之未能即廢棄之

奉銅盤

上敷來反 若周禮則用珠盤也

取雞狗馬

之血

按盟之所用牲貴賤不同天子用牛及馬諸侯用犬及豕大夫已下用雞今此總言盟之用血故云

取雞狗馬之血來耳

噍此血

音所甲反

公等錄錄

音祿 按王幼云錄借字耳又說文云錄錄

隨從之貌使趙重於九鼎大呂

九鼎大呂周之寶器言毛遂至楚使趙重於九鼎大呂言

為天下所重也

操右券以責

言虞卿論平原君取封事成則操其右券以責其報德也

平原

君以孝成王十五年卒

按六國年表及世家並云十四年卒與此不同

鄒行過

音戈注杼意通指

上杼音墅杼者舒也

注繳紛

繳音叫謂繳繞紛亂爭言而競後息不能

無害也

躡躑

躑亦作躑音脚徐廣云躑草履也

注食邑虞

趙之虞在河東太陽縣今之虞

鄉縣也

發重使而為媾

古候反按求和曰媾媾亦講講亦和也

趙郝

音釋為足

下解負親攻之

言為足下解其負擔而親自攻之也

試言公之私

按私謂私心也

過平原

上音戈

虞卿既以魏齊之故

魏齊魏相與應侯有仇秦求之急乃抵虞

卿卿棄相印乃與齊間行亡歸梁以託信陵君信陵君疑未決齊自殺故虞卿失相乃窮愁而著書也

魏公子列傳第十七

信陵君

按地理志無信陵或是鄉邑名也

有能深得趙王陰事

按譙周作探得

趙王陰事

曰侯嬴

音盈又曹植音羸瘦之羸

俾倪

上音浦計反下音五計反鄉誕云又上音疋未

反下五第反

徧贊賓客

上音遍贊者告也侯生通告賓客

屏人間語

間音

語謂靜語也

晉鄙

魏將姓名也

如姬資之三年

舊解資之三年謂服齊衰也今按資

者畜也謂欲為父復讐之資畜於心已得三年矣

嘆喑

上烏白反下爭格反按嘆喑謂多詞句也

負

鞞矢

音蘭謂以盛矢如今之胡簾而短也

注呂忱

呂姓忱名作字林言鞞盛弩矢之器以高

音腫趙邑名屬常山

以負於魏

上負音佩

注漿一作醪

按別錄云漿或作醪字

徒

豪舉耳

謂豪者舉之舉亦音據也

毛公薛公

史不記其名

抑秦

抑音憶按抑謂以兵

之公子皆名

言公子所得進兵法而必稱其名以言其怒也

而虜魏王

魏王名假

春申君列傳第十八

楚頃襄王

名橫考烈王完之父

駕犬受其弊

按謂兩虎鬪乃受弊於駕犬也劉氏云受

猶承也

從親之要

音腰從韓魏是言山東

使盛橋守於韓

按秦使盛橋守

事於韓亦如楚使名滑相越然也竝內行章義之難

不信威

信音申

又并蒲衍首垣

此蒲在衛之長垣蒲鄉也行在河南與卷相近首蓋牛首垣即長垣非河東之垣也

以臨仁平丘

仁及平丘二縣名謂以兵臨此二縣則黃及濟陽等
自嬰城而守也按地理志平丘屬陳留今不知所在 濮

磨之北

地名蓋地近濮也

亦單矣

音丹單者盡也言王之威盡行矣

榆次之禍

智伯敗於榆次也地理志屬太原有梗陽鄉

不知干隧之敗

干隧吳之敗處地名干水邊也

隧道路也沒利於前

謂智伯及吳王沒伐趙及伐齊之利於前而易其患於後後即榆次干隧之

難也從而伐齊

上從音絕用反劉氏云從猶領

躍躍兔免

上天厯反下音讒

欲欺

大國也

大國謂秦也

王無重世之德

重世猶累世也

摺頤

上音拉下音夷

必

攻隨水右壤

楚都陳隨水之右壤蓋在隨之西即今鄧州之西其地多山林者矣

而使獨

攻

若秦楚構兵不休則魏盡故家齊取泗上是使齊魏獨攻伐而得其利也

足以校於秦矣

投音教謂足以與秦為敵也
一云投者報也言力能報秦
為帝未能言齊一年之後未即能為帝而

能禁秦為帝有餘力矣
然禁字作楚者誤也
遲令上音值猶乃也令音力呈反
韓魏歸帝

重齊謂韓魏重齊令歸帝號此秦之計失
注地於齊注謂以兵裁之也
一經兩海

謂西海至東
海皆是秦地
八年為楚北伐滅魯按年表云八年取魯封魯君於莒十四年

而滅
母望之禍周易有元妄卦其義殊也
李園君之仇也言園是春申之仇也

戰國策作君之舅也
謂為王之舅意異也
朱亥即上之朱英也作亥者史因趙有朱亥誤也
李園

弟所生子遂立是為楚幽王
按楚捍有母弟猶有庶兄負芻及昌平君是楚君

完非無子而上文云
考烈王無子誤也

欽定四庫全書

史記卷之四

史記索隱卷十九